



“Mi curason a
disparce cu mi yiu”

Pagina 5



Uncle Louis Store entrega na DNM

Pagina 3

- **Lo firma
acuerdo di paz
entre Taliban y
Merca**

Pagina 14

- **Gobierno
evaluando
privatiza
servicionan
publico**

Pagina 3

- **Musica duro
ta dañino pa
muchu bou 5
año**

Pagina 2

Vigencia di Ley di Flora y Fauna atrobe posponi



Pagina 32



Pagina 7

Oposicion di Nicaragua ta propone eleccion liber



Pagina 18

Cristiano Ronaldo den wega number mil

*Wit Gele Kruis:***‘Pa un mucha corda algo mester tin 5 aña ariba’**

ORANJESTAD – Wit Gele Kruis kier a trece informacion dilanti tocante e ultimo dianan di carnaval. Nan a pone nan atencion den e programa cu nan tin diario pa keda conscientisa mayor pa cuida nan muchanan.

Director Gino Goeloe a comparti tocante e proyecto di social crisisplan cu a dirigi directamente riba e baby. E ta bisa cu a pone atencion y tempo pa nan programa cu diferente mensahe pa keda conscientisa comunidad, e

mayor pa nan cuida nan yinanan.

E mensahe di Wit Gele Kruis ta pa semper un mayor cu tin un yiu bou di 5 aña ‘no atende carnaval cune’. E ta bisa cu esey tabata discusion cu a tende riba medionan social. E ta bisa cu mayornan por remarca ‘si e ta mi yiu’. Sinembargo hopi biaha mester bisa nan e daño cu e por haci na e mucha durante carnaval.

Daño manera afecta oido, si e para mucho cerca zonido

of keda tende e musica fuerte constant. Pa e motibo ta bisa cu Quota International t’ey tur aña pa asina trece pa comunidad e earplugs y keda conscientisa pa asina tur hende por haci uso di nan.

Sinembargo no ta pasobra tin un earplugs, toch ta keda e parti cu e musica ta halto pa e mucha menor di 5 aña, nan di Wit Gele Kruis ta bisa cu nan no mester bay cu e mucha na e paradanan.

E ta compronde cu por tin famia no tin manera pa laga

nan yiu cerca otro famia, of persona cu no tin tempo pa wak pa e muchanan. Pero e ta bisa cu tin un lista si di ‘Fundacion pa nos muchanan’ caminda tin cresh cu ta ofrece e cuido.

Nan ta cresh cu a dicidi pa traha den temporada di carnaval pa asina por mayornan por tin e libertad di disfruta e parada sin cu e mucha tin cu pasa oranan largo den parada of ‘baby cu sigur no mester carnaval mes’.

“E mensahe ta keda, hiba e

mucha un cresh pa nan cuida bo yiu. Asina abo como mayor por pasa un carnaval trankil. Den un spot di social crisisplan por tuma nota e punto di bista di un mucha, caminda por wak cu e mucha no ta gosa di e parade”, e ta splica

Tambe a bisa cu no por hiba bo yiu anto lag’e pasa den tanto problema aki, manera problema entre pareha of problema durante parade algo cu e ta bisa no ta bunita pa un mucha chikito wak pasobra esey ta locual e por capta y por tin efecto den futuro.

Nan di Wit Gele Kruis ta keda bisa e mayornan, den caso cu e mucha toch bay cu nan pa semper usa sunblock, somber of pechi. Paña cu katura pa e solo. Ta importante pa tin likido en especial awa ‘esey ta e miho opcion pa e mucha’.

E ta bisa pa tene cuenta pa prome bay un parade di carnaval pa duna e mucha un bon desayuno. “Tambe zorg pa bay cu cosnan pa come y pa mantene e cuminda cayente. Departamento di higienisch tambe a duna tips con mester wanta cuminda ora di bay carnaval pa esaki no dañá.”

Goeloe a enfatisa tocante e uzo di earplugs manera Quota Club International ta bende esaki durante parade pa e muchanan y mayornan tambe por usa esaki pa no trece consecuencia den e oido den futuro cu tur e defectonan ta sali y caminda lo mester usa aparato pa scucha miho.

Pa e motibo aki nan ta keda stress riba e mayornan pa nan usa y pa nan yiu tambe. Pa ta cauteloso y pendiente di e mucha pa otro hende no acerca ‘tene bon bista’. Pa e mucha no cana bay huy y acerca e truck nan cu por tin cune consecuencia grave.

El e menciona cu pa e profesional ta bosa cu edad unda cu e mucha por cuminsa gosa di algo ta di 5 aña di edad pariba. Tin persona cu no por tin hende pa cuida pa nan y esey ta keda un situacion fastioso pero keda busca un persona pa wak e mucha ‘esey ta keda nos enfoca principal’ pa asina mayornan por gosa di carnaval.

CAft y gobierno preocupa cu fondonan di AZV y SVb

Gobierno ta evaluando privatisa cierto servicionan publico

ORANJESTAD – Como un ‘empuhe’ pa por sigui cu e trabou cu gobierno ta bin ta realizando riba tereno di finanzas publico, prome minister Evelyn Wever-Croes a cualifica e hecho cu CAft pa prome biaha a duna un ‘elogio’ pa nan esfuerso.

“Cada cos chikito ta conta”, el a bisa. Y di biaha e prome mandatario a pronostica cu 2020 lo bira un año cu mas tranquilidad financiero, pa asina gobierno por haya mas oportunidad pa por goberna.

El a bisa cu loke e colegio di supervision financiero a trece cerca prensa, ta loke nan mes como gobierno a tende for di CAft, siman pasa. Y aunke presidente di CAft, sr. Raymond Gradus, tabata cauteloso pa duna e elogio aki, pero el a mira –segun e prome mandatario– cu pa 2019 gobierno por a cumpli cu locual nan a palabra den e protocol cu Hulanda.

Un punto cu premier Wever-Croes a considera como un ‘bon noticia’ ta cu e cifranan final di e ultimo kwartaal di 2019 ta muestra cu en bes di

un deficit di 25 miyon florin, cu ya caba nan a premira cu lo bira alrededor di 4 miyon, finalmente a resulta di ta un surplus caba di 1 miyon florin.

E ta haya cu e resultado aki ta un prueba mas cu e maneho financiero ‘duro, estricto y difícil’, ta dunando su frutonan. “Esaki ta un motibo pa CAft mira cu nos ta serio den esaki,” el a declara.

Independisacion di servicio
Sinembargo pa loke ta e presupuesto 2020 cu ainda no a wordo trata den parlamento, CAft a trece su preocupacion riba bahamento di gasto structural riba subsidio, seguridad social (plan di bijstand) y reduccion di aparato gubernamental.

El a splica cu e recomendacion di CAft ta pa reduci e departamentonan di gobierno, y purba di uni un cu otro. Pa año 2020, gobierno ta considerando e recomendacion aki di CAft, y ya caba nan tin un lista di departamentonan, entre nan esun di Controladonan di Casino.

Pero otro aspecto tin di haci cu e dunamento di servicio publico cu eventualmente algun di nan ta wordo privatisa. “Servicionan cu un gobierno no mester haci su mes...,” el a bisa. Sino cu eventualmente gobierno ta laga otro brinda e servicio aki. Nan ta trahando riba e independisacion di servicionan di gobierno.

Ya caba e colegio di supervision financiero a bin cu algun recomendacion tambe pa presupuesto 2021. Un preocupacion di CAft tin di haci cu e fondonan di AZV y SVb relaciona cu behecimiento di nos poblacion. Aunke e ta un bon noticia cu nos promedio di bida ta mas largo, asina mes e tin su efecto riba cuidio di salud y e fondo di pension di behes. CAft a cuminsa duna algun recomendacion con pa cuminsa atende cu e aspectonan aki.

Prome minister a bisa cu gobierno ta comparti e preocupacion di CAft completamente. Ya cu pa año 2020 no solamente nan mester bay pa un surplus di 25 miyon florin, ademas gobierno tin extra interes pa paga di 50 miyon, compara cu



año pasa. Igualmente extra proyectonan PPP pa paga di 18 miyon. Tambe un deficit adicional di seguro medico general (AZV) di 12 miyon florin, y algun gastonan adi-

cional acerca cu e mandatario no especifica. El a argumenta cu e peso financiero aki a haci cu gobierno a tarda pa trata e presupuesto aki den parlamento.

Edificio monumental Uncle Louis Store entrega na DNM

ORANJESTAD – A tarda 6 año pa finalmente por a logra termina e proyecto di renobacion di e edificio monumental Uncle Louis Store den pleno curason

di San Nicolas.

Ayer a tuma e traspaso di e yabi for di compania di construccion Van Havenbouw N.V pa directora di Stichting

Monumentenfonds Aruba (SMFA), Anne Witsenburg. Igualmente Sra. Witsenburg a traspasa e yabi na Land Aruba pa medio di minister di Infraestructura, Marisol Lopez-

Tromp kende finalmente a entrega e yabi na e director di departamento di Naturalesa y Medio Ambiente (DNM), ya cu for di ayera e edificio monumental y moderno aki ta bira nan sede nobo.

SMFA a logra haci realidad e proyecto aki cu ayudo financiero di RBC Bank. E ta un joya arkitektonico monumental, pero tambe el a bira awor un edificio innovativo y te hasta sostenibel. E tin panel solar y sistema pa recicla awa. Nan a tene cuenta pa verf cu color di naturalesa y nan a uza palo tambe. E vloer ta color tera. E lo wordo dorna cu cosnan di arte riba naturalesa y medio ambiente.

E ta un edificio yen di historia rond di e personahe central di Leon Waitzberg conoci como "Uncle Louis". Directora di SMFA a bisa cu loke ta haci un edificio monumental no ta su arkitektura so, sino su historia tras di dje. El a recorda cu nan a cuminsa compila informacion historico tocante e edificio aki a base di un articulo cu e

editor di Aruba Today, Linda Reijnders a skirbi e tempo aya pa e corant Amigoe. Despues e Museologo Lili Peterson a sigui cu e tarea aki. Witsenburg a bisa cu ‘Uncle Louis’ a laga un historia na San Nicolas y p’esey su nomber a keda den edificio aki.

Sra. Witsenburg a gradici tur hende cu a duna su aporte pa e renobacion di edificio aki por a bira un realidad. “Nos ta cla pa un futuro nobo”, el a bisa

Di su banda, minister Lopez-Tromp a bisa cu pa gobierno cu a huur e edificio aki a bira un desafio pa crea desaroyo economico, specialmente na San Nicolas, pero tambe manteniendo conservacion di medio ambiente. Pues pa mantene e balans ey, nan tin tur dia su desafio. P’esey nan ta considera e presencia di DNM uno masha importante den e tarea aki. Pero tambe un tarea importante den e tuma di decision pa loke ta ROP (Ontwikkelingsplan) tambe.



Carla Briezen di Fundacion Educador Consciente:

Disciplina Consciente ta haci mucha mas sabi



ORANJESTAD – Fundacion Educador Consciente a cuminsa su actividadnan november ultimo y ta dedica pa promove full e programa di ‘Disciplina Consciente’, dirigi pa mayornan y docentenan specialmente.

Carla Briezen di Fundacion Educacion Consciente a duna di conoce cu e programa a bin for di Merca, crea pa Dr. Becky Bailey pa trece aspecto di desaroyo social emocional di un manera saludabel pa e muchanan.

Desde 2018, el a comenta cu tin instructor Helen Guda, ken ta un instructor certifica di Disciplina Consciente na Aruba, kende a lanta Develop to Grow. E ora ey Briezen hunto cu dos colega a join den e grupo aki como boluntario.

Nan ta un grupo enfoca riba tayer pa mayornan y docentenan di scol na unda nan ta siña con e muchanan por regula y maneha nan emocion, pa nan por tuma decisionnan cu ta bon pa nan y cu ta tene nan y esunnan rond di nan mas sigur.

Di e manera aki, Briezen a expresa cu e programa aki tambe ta propone cu cada mucha of individuo mester para responsabel pa su propio comportamiento. Nan ta basa riba investigacion re-

cien pa cu cerebro y ta invita e docentenan pa compronde prome nan mesun pensamiento y emocion, pa despues nan yuda e muchanan pa haci mes cos.

E fundacion a ser crea pa traha manera un ‘consultant’ como trabou boluntario y haya fondo pa logra tur meta cu nan tin. Su mision ta contribui na un desaroyo social emocional

saludabel di muchanan, ofreciendo un conocimiento y practica di e programa Disciplina Consciente na tur mayor, educador, comunidad den general y profesionalnan di e programa. Asina den futuro tin mas adulto cu por anda miho cu emocion y conflicto.

Briezen a señala cu loke nan kier logra ta haci un centro di conocimiento profesional cu

fondo pa promove un aplicacion di e programa aki, cu ta sirbi pa tur hende segun e principionan y conocimiento científico mas recien, pa asina logra educadornan mas consciente cu ta guia e muchanan den nan cuido na un forma efectivo pa desaroyo social emocional optimal.

E parti fuerte di e programa, Briezen a splica cu ta inteligencia emocional. Algun investigacion ta demostra cu e inteligencia emocional ta hasta mas importante cu e mesun inteligencia como intelectual, pa motibo cu si un persona no tin habilidad pa maneha su emocion di un manera efectivo y regula su mes, esaki ta bay keda stroba den e funcionamiento.

Tambe tin e parti social, emocional cu tambe ta demostra ora un mucha ta sinti insegur. Na e momento ey e tin acceso na e partinan mas halto di su cerebro cu ta e parti mas sabio. Academicamente tambe por mira den scolnan aworaki cu ta implementa e programa aki di un manera consecuente y e parti academico tambe ta eleva. Tocante esaki, Briezen a sigura cu por haya mas mucha mas sabi cu por resolve problemanan di un manera mas sabio.

Asina mes, el a duna di conoce cu si algun scol tin in-

teres, pa acerca nan y haci un peticion, nan ta haci un trayecto di e manera con ta bay implementa e programa.

Briezen a informa cu diamars awor, dia 25 di februari nan tin e prome tayer ‘Keep your cool’. Lo purba di haci esaki un bes pa luna. Ademá, el a menciona cu den e grupo di boluntario tambe tin interes di bira trainer pa asina den futuro en fundacion lo por ofrece cu mas frecuencia tayernan di nivel mas halto.

‘Keep your cool’ manera el a bisa ta invita mayornan pa keda tranquil. Disciplina Consciente ta consisti di varios habilidad cu tin como base e compostura, esey na nifica cu durante momentonan tenso of di conflicto, mayor of docentenan por keda tranquil pa keda presente di loke ta nan dilanti y wak e comportamiento di e mucha.

Si por ehempel, si e mucha ta mal comporta e ta falta di un habilidad, papia cune pa e por expresa kico ta su molestia y yuda e pa siña tecnica di relajacion y hala rosea. Den principio, e muchanan ta imita e tecnica aki cu otro mucha, tanten den su pensamiento por regula nan emocion y comportacion, contacto visual y fisico, rutina y comunicacion ta elementonan clave pa haya esaki.



BONDIA
ARUBA

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo
Xiomara Arends

Redaccion Ehecutivo
Leo Maduro (hefe de redaccion)
Nicola Gonzalez (redactor ehecutivo)
Pilar Flores (redactor ehecutivo)

Redaccion
Benjamin Romero
Kenna Hernandez
Andreina Morillo

Departamento Digital
Juan Luis Pinto

Ehecutivo di Benta
Sulaika Croes
email: sulaika.croes@cspnv.com

Linda Reijnders

Aviso y Arte
Sandra Loefstop
Lisa Tromp
Shannon Geerman

Administracion
Mariette Engelhart
Martha Arteta de Ariza
email: accounting@bondia.com

Distribucion
Jenny Kelly

Coleccion
Evelinda de Cuba - Tromp

Pre Press
Luis Fernando Arenas (Hefe)
Pablo Libre

Press
Roland Schenker (Hefe)
Omar Ramirez
Martin Boekhoudt
Francis Dirks

Colaboracion
Luis Villegas
Associated Press
Ret Karibense
Upload Media Aruba

Afiliacion
Sociedad Interamericana
di Prensa (SIP)

DIRECCION
Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Entrevista cu Jhonny Romero:

“Mi curason a disparce cu mi yiu”

ORANJESTAD – E distancia di lama cortico, pero traicionero, cu ta uni y separa nos isla for di e costanan di Venezuela, a bira un lama misterioso y yen di dolor pa hopi famia Venezolano cu lo desea di sa e paradero di nan sernan keri. Un trayecto di lama cu a bira manera un Triangulo de Las Bermudas, dilanti di nos wowo.

Un lama cu ta alimenta su awanan profundo y cristalino cu e lagrimanan cu ta core como un riu cada biah mas hancho di e tatanan, mamanan, rumannan y amigonan cu ta yora e ausencia di esunnan cu un anochi scurito a soña riba un bida miho, huyendo for di e gara di un regimen inhumano na Venezuela. Memey di e desesperacion aki, nan a tripi di aventura nan mes pa bin Aruba, Bonaire y Corsou (ABC), sin logra nan meta... pero mas tristo ainda, sin cu niun hende sa nan paradero.

E cara di La Vela

E destino tristo di e desaparicion di nan sernan keri a haci cu Jhonny Romero a uni entre otro cu Sra. Ana Areas y Sra. Jocelyn Lopez. Nan ta lider di nan propio tragedia y dolor, pero tambe di otro cantidad di famia den nan respectivo localidad.

Awendia e tragedia aki a bira un lucha comun door di Comité Nacional di Famianan Victima di Desaparicion Forsa den e Costanan di Venezuela. Mayoria di nan ta famianan hopi humilde estableci na estado Falcon. E grupo aki ta presidi pa Jhonny Romero, kende a bira e persona cu ta representa e famia di esunnan cu a disparce abordo di e botonan cu a sali for di estado Falcon.

Jhonny ta tata di Jhonny de Jesus Romero Palacios, un hoben di apenas 27 aña kende a dicidi di realiza un biahe sin regreso pa Corsou, dia 7 di juni 2019. Ya caba a transcuri mas cu 8 luna, sin cu su tata Jhonny y demas famia sa di dje. “E tabata mi yiu mas grandi,” asina cu bos kibra el a bisa durante un entrevista cu Bon Dia Aruba.

For di e dia ey, Jhonny ta sinti cu curason a aborda y disparce den e mesun boto La Vela riba cual su yiu stima a disparce. El a reconoce cu e

causa tras di e tragedia di e hendenan cu a desaparece riba lama ta debi na e situacion critico y compleho cu e pueblo Venezolano ta bibando actualmente. “Esaki ta obliga nos hendenan pa bandona nos pais di un of otro forma.”

E tentacion pa realiza e tipo di aventura aki cu por cobra bida di mas hende ta latente den e poblacionnan situa den e costanan Venezolano.

Den su entrevista cu Bon Dia Aruba, Jhonny Romero ta splica cu pa e hendenan di Falcon, lama ta nan frontera pero tambe nan horizonte pa busca un miho condicion di bida y yega na e islanan Hulandes. “Hopi Venezolano ta mira como un alternativa e islanan aki pa busca un futuro. Pero tambe pa nan busca un pan pa nan yiunan y nan famia. Pa nan por sobrevivi den poco palabra.”

Pero esaki no ta e tristo destino di Jhonny de Jesus Romero Palacios so. Tampoco e dolor di Jhonny Romero y su famia, sino cu el a bira e destino scur, misterioso y doloroso di mas cu 152 persona, mayoria di nan hendenan jong, kende aparentemente lama a guli nan. Pero hunto cu nan e dolor di cantidad di famia ainda di luto sin sa si nan ser keri a fayece of si nan a wordo gewoon desapareci.

Nan ta tres boto emblematico di e tragedia humano aki: Ana Maria, Jhon Eli Jose y La Vela. E pasaheronan a dicidi di realiza un biahe peligroso abordo di e botonan aki, sin cu nan tabata adecua pa e tipo di transporte di hende. Sino cu nan tabata boto uza den actividad di piscamento, sin ningun sorto di seguridad.

Desaparicion misterioso

Pero pa Jhonny Romero y demas famia, e desaparicion di nan sernan keri no tin di haci exclusivamente cu e traficantenan di hende cu no tin balor ni aprecio pa bida di hende, sino cu tras di esaki tin algo scur.

Nan ta biba den un comunidad di piscadonan na Coro, caminda e nabegantenan bakia sa cu: ‘lama ta papia’. Kiermen cu den caso cu un boto ta zink, lama semper ta papia y ta muestra algun señal ya sea mancha di azeta, paña, sapato... cualkier cos.

Jhonny a cuminsa un lucha su so dilanti di e autoridadnan competente di su pais pa busca un claridad memey di scuridad cu ainda ta compaña e destino di nan ser keri. Esaki contra tur pronostico di skepticismo, te hasta di e mesun famianan di e hendenan cu a disparce riba lama. Nan no ta descarta cu ora e botonan aki a bandona e costanan di Venezuela, nan ta wordo gewoon somenta sin laga niun sorto di rasgo. Ya cu niun di e botonan, a lo menos esunnan cu nan ta raporta, no tin evidencia cu a zink.

Ademas tin hendenan cu a logra sobrevivi di e hendenan cu tin mal intencion den e negoshi di trafication di hende. El a menciona e caso di La Vela, caminda tin hendenan cu no a logra aborda e boto aki, pasobra no tabatin mas espacio. Pero e hendenan aki a logra scucha cierto rumor cu algo a sosode cu nan. “Ya cu nan mester a bay na otro sitio pa haci algo pa e organismo di seguridad estatal of nan a bay haci un fabor na otro persona.” El a agrega cu nan

tur sa cu e tipo di fabor aki tin di haci cu trafico di arma y droga, etc.

Famia di e victimanan aki ta kere cu nan ser keri a wordo secuestra riba lama, y misteriosamente nan a wordo somenta, pasobra nan tabata testigo potencial di e tipo di trafication ilegal aki.

P’esey e siman aki nan a convoca y organisa un gran protesta nacional di e Famianan Victimanan di Desaparicion Forsa den e Costanan di Venezuela. Nan kier pa e autoridad competente por enfoca un investigacion den e direccion di loke e famianan di e victimanan sa di nan desaparicion.

Nan a investiga poniendo den peliger nan propio bida y seguridad. Tur esaki a trece menasa cerca nan. Ya cu nan ta kere cu ainda nan sernan keri ta bibo, pero nan a bira victima di gruponan criminal bon organisa cu alianza y complicidad di organismo estatal Venezolano cu tin control den e area costero y strategico aki.



Uber a bolbe na Colombia y taxistanan ta anuncia un welga



BOGOTA (Infobae/DW) – Binti dia despues cu e plataforma a detene su operacionnan na e pais, Uber a regresa na Colombia pa presta su servicio.

E aplicacion a cambia su modelo pa evita e fayto di Superintendencia di Industria y Comercio (SIC) luna pasa.

Awor, bou un modelo nobo, usuarionan y conductor lo keda respalda pa un contract pa biahe bao e figura di huur, arrendatario y arrendador. Asina, Uber ta mantene cu

no ta un aplicacion di transporte sino di servicio di tecnologia, cual ta sigui cu e banda contrario di Ministerio di Transporte Colombiano, cu ta afirma cu pa haci e servicio aki lo mester construi un empresa di transporte.

Den e contract nobo, cu usuario y conductor ta apoya, e empresa ta afirma cu ‘bo ta reconoce y acepta cu Uber ta un proveedor di servicio di tecnologia, cu no ta ofrece servicio di transporte, no ta funciona como transportista ni ta opera como agente pa transporte di biaheronan’.

E regreso lihe di Uber na Colombia no solamente a tuma e gremio di taxista pa sorpresa, cu a faborece e fayto cu SIC a duna di expulsa e empresa di tecnologia di e pais, sino cu tambe autoridadnan

Colombiano como Ministerio di Transporte y e mesun superintendencia a keda sorprendi.

Di su banda, ministerio di Transporte a bisa cu ta avansa cu un analisis huridico pa evalua e pasonan cu lo sigui cu e modelo di Uber nobo.

Pa e motibo aki, e taxistanan a anuncia un welga nacional cu lo cuminsa dia 16 di maart proximo, den cual shete asociacion di taxista a uni asina como tambe doñonan di auto.

Mientras tanto, e Colombianonan por bolbe usa Uber, ya cu lo sigui den e linea legal of ilegal tanten lo haya un solucion definitivo riba e tema aki.



Mexico: A captura sospechosonan di feminicidio di Fátima

CIUDAD DE MEXICO (France24) - Ta un di e feminicidio mas impactante di Mexico den ultimo lunanan. E dos presunto responsabel, despues di varios dia di buskeda, ta den poder di autoridadnan.

“Fiscalia di Husticia di Ciudad de Mexico lo solicita pa autoridad hudicial henter e peso di ley pa castiga esunnan cu tabatin participacion den e hecho indignante aki” Ulises Lara, portavoz di Fiscalia di Husticia di e capital Mexicano a sigura.

Riba anochi di 19 di februari autoridadnan a revela e identidad di e dos sospechoso di secuestro y asesinato di Fatima, crimen cu a sucede siman pasa na Ciudad de Mexico.

Ta trata di un hende homber y un hende muhe, identifica como Giovana ‘N’ y Mario Alberto ‘N’, cu nan potret a ser publica pa e Fiscalia Capitalino. “Gobierno di e ciudad tin tur e investigacion na su cargo y nos tin hopi confiansa cu hefe di gobierno (Claudia Sheinbaum)”, Lara a afirma. Ambos a keda deteni den un poblacion di Estado di Mexico cu apoyo di Guardia Nacional y polis local, Shein-

baum a skirbi na Twitter.

E identidadnan di e presunto dos persona culpabel a ser revela oranan despues cu funcionarionan di Fiscalia di Ciudad de Mexico a efectua un revision, diamars anochi, den un cas di alcaldia Xochimilco, hopi cerca di e cas na unda e mucha muhe tabata biba cu su famia.

Segun e vocero di e ente acusador, e pareha lo enfrente un castigo di entre 80 pa 140 aña di prizon ya cu ta trata di un delito señala como ‘privacion di libertad cu e fin di causa daño’.

Diahuebs ultimo, autoridadnan a descarta e mobil posibel cu e asesinato a sosode pa via di placa y nan a señala cu e dos presunto culpabel ta mayornan di tres mucha menor di edad, ken awor a keda den cuidado di un familiar di e acusadonan.

A medida cu e dianan ta pasa ta keda conoci detayenan nobo di e homicidio escalofriante. Alcalde Claudia Sheinbaum a bisa cu e muhe sospechoso di secuestra e mucha muhe na momento cu e tabata sali for di scol ta ‘probablemente conoci’ pa e famia.



AVISO

Fundashon Wit Gele Kruis ta participa na tur su clientenan lo siguiente: cu entrante **1 di maart 2020**, nos edificio di Savaneta cu ta consultorio pa baby y muchanan di 0 pa 4 aña ta muda pa nos edificio di San Nicolaas. Theaterstraat 3 (patras di warda di polis na San Nicolaas), Telefoon 523-4423.

Danki pa boso comprension y cooperacion cu nos organisacion di Wit Gele Kruis.

Management Wit Gele Kruis

Venezuela: Acuerdonan di Grupo di Lima

(LaPatilla) – Juan Guaido, presidente interino di Venezuela, a informa tocante e acuerdonan logra den e encuentro di e Grupo di Lima cu a tuma lugar diahuebs pasa na Ottawa, Canada.

A traves di su cuenta oficial riba Twitter, e tambe presidente di Asamblea Nacional a indica cu: “Nos a avansa cu e Grupo di Lima y a obtene acuerdonan di enorme importancia den cual ta inclui tambe Argentina, Bolivia y Republica Dominicana entre e paisnan cu ta apoya regreso di Democracia y Libertad na Venezuela.”

Di acuerdo cu su mensahe, e acuerdonan ta lo siguiente:

-1. No por tin solamente eleccion legislativo y menos ainda den e circunstancianan actual. E paisnan firmante ta di acuerdo cu e solucion

pa e crisis na Venezuela ta radica den eleccion presidencial liber, despues di genera e condicionan pa nan por ta transparente y democratico.

-2. E paisnan di e Grupo ta kere cu ta urgente revisa e sistema hudicial na Venezuela y genera e cambionan necesario. Entre nan e Tribunal Supremo di Husticia (TSJ), na servicio di e dictadura.

“Nos ta comprende cu, desde e Informe Bachelet, comunidad internacional sa esaki, pero awor tin nacionnan nobo cu a apoya esaki,” el a añadi.

-3. Lo crea comisionnan di alcance internacional, cu representacion di tur, pa amplia e presion y aborda nacionnan manera Rusia y China, cu awe por influencia e regimen y facilita e recuperacion democratico na Venezuela.

Remarcable ta cu gobierno nobo di Argentina, di orientacion izquierdista, ta den e Grupo y ta apoya e resolucion. Bolivia, cu no tabata den e Grupo pa motibo di e apoyo di Evo Morales na Nicolas Maduro, a drenta tambe, mientras cu Republica Dominicana tabata te awor na banda como pais neutral y tambe a incorpora e esfuerso di e demas paisnan.



Oposicion di Nicaragua ta presenta un proposicion pa eleccion liber

MANAGUA (ElDiario) – Un grupo forma pa ocho organisacion opositor di Nicaragua a publica ayera nan proposicion di reforma electoral ‘pa recupera e transparencia y participacion ciudadano’, cu obhetivo di evita mas presidente manera Daniel Ortega, ken nan ta considera como ‘un dictador’.

E proposicion ta busca ‘reestablece e transparencia, garantia electoral y promove un efectivo inclusion y participacion ciudadano’, cu ta inclui voto for di exterior, e organisacionnan di forma conhunto a indica.

Di acuerdo cu oposicion, un serie di eleccionnan fraudulentamente, den cual tur Poder di Estado a colabora, a permiti cu Ortega ta sigui na poder desde 2007.

Nicaragua tin eleccion na fin di año 2021, sinembargo, e pais ta atravesando un crisis, pa lora sectornan nacional y internacional ta recomenda adelanta e eleccion, algo cu Ortega a interpreta como intento di golpi di estado.

E opositornan, cu te awor tin proposicionnan individ-

ual riba e reforma electoral na Nicaragua, a resumi nan proposicion den un unico lista di ocho punto.

Tambe nan a plantia cu lo tin cu publica tur regulacion di e proceso electoral, durante e convocatorio di eleccion.

E propuesta a ser elabora pa varios movimiento di oposicion Alianza Civico pa Justicia y Democracia, Unidad Nacional Azul y Blanco, Consejo Superior de la Empresa Privada, Grupo Pro Reforma Electoral, y partidonan Ciudadanos por la Libertad, Yatama, Partido Liberal Constitucionalista (PLI), y Partido de Restauración Democrática (PRD).

Desde e explosion popular contra Ortega, na april di 2018, Nicaragua ta biba un crisis socio-politico cu a laga centenares di morto, detenido of desaparecido, miles di persona herida y decena di miles na exilio.





IT'S A GAR-NIVAL RIDE

**Fridays and Saturdays
Grand Prize Drawing • March 1st • 9pm**

Win a 2020 Ford Ranger Pickup!

HOW TO QUALIFY

Receive one entry for every 150 tier-points earned every Friday and Saturday from 7am on Saturday, January 4th through 11pm on Saturday, February 29th.

Entry tickets can be printed each Friday and Saturday beginning Friday, January 17th from 7pm to 11pm at the PROMOTIONS booth. All tickets must be deposited in the drawing drum no later than 6pm on Sunday, March 1st for the 9pm drawing.

#WinningMoment



WIND CREEK®

CASINOS • ARUBA

See PLAYER SERVICES for details.

Cft tocante Saba:

‘Tarea structural mester tin financiacion structural’



The Bottom – Colegio di supervision financiero di Boneiro, Sint Eustatius y Saba (Cft) ta constata cu e proceso di presupuesto y responsabilisacion y maneho financiero na

Saba ta sigui ta di suficiente nivel, y ta determina tambe cu te ainda ta financia algun tarea structural incidentalmente.

For di 2014 Saba a ricibi de-

claracion aprobatorio di accountant pa tur e cuentanan anual y e demas documentonan presupuestario y reportahenan di ehecucion ta cumpli cu e normanan rekeri. Sinembargo, Cft ta identifica un serie di reto cu Saba, den cooperacion cu Hulanda, lo mester atende den e proximo periodo. Ta trata principalmente di creacion di cobertura structural den e presupuesto anual pa e tareanan structural y creacion di suficiente capacidad di resistencia.

Financiacion structural pa tarea structural

Na 2019 Estado Hulandes y Entidad Publico Saba a acorda e asina yama ‘Saba Package’, den cual ta inclui, entre otro, cu tur dos lo hacinan esfuerso pa financia tarea structural cu recurso structural. Lo considera pa ministerio ta con lo realisa esey. Na october 2019 Gabinete

Hulandes a indica tambe den su reaccion riba e informacion di Consejo di Estado y e Investigacion di Maneho Interdepartamental cu lo aclara y revisa e particion di tarea, pa despues investiga si e ‘vrije uitkering’ (placa pa gasta libremente cu Hulanda ta pone na disposicion, incluso impuesto di Hulanda Caribense) ta cuadra den e paquete di tarea pa e entidadnan publico. Cft a palabra cu Colegio Ehecutivo pa conhuntamente haci un inventario mas detaya di esey.

E presupuestonan di 2019 y 2020

E di cuater reportahe di ehecucion di 2019, tocante cual Cft a duna consejo recientemente, ta muestra un saldo positivo di USD 0,1 milyon. E proyecto di presupuesto di 2020, ricibi door di Cft dia 16 di october 2019 pa su consejo, ta balansa. Esaki a bay compana pa e hopi esfuer-

sonan. Pasobra, Saba a hay’e obliga di reduci e sumanan presupuesta na cierto post en comparacion cu e añanan anterior. Por ehempel, a reduci e post Imprevisto di 100 mil dollar na 2019 pa 22 mil dollar na 2020. Cft a conseha Saba pa añadi un eventual surplus na 2019 na e presupuesto di 2020. Cft a husga cu e presupuesto di 2020 ta cumpli suficientemente cu e criterionan. Consejo Insular a aproba e presupuesto di 2020 dia 13 di november y Ministerio di Asunto Interno y Relacion den Reino (BZK) a ratifica esaki dia 3 di december, conforme e consejo di Cft.

Durante e bishita di Cft na Saba diamars dia 18 y diaranson dia 19 di februari 2020 a tene combersacion constructivo tanto cu Colegio Ehecutivo como cu Consejo Insular.

St. Maarten por bay riba lista preto di OECD

PHILIPSBURG (TheDailyHerald) – St. Maarten por bay riba lista preto di Organizacion pa Cooperacion y Desaroyo Economico (OECD) y Union Europeo (UE) si e ordenansa nacional cu amienda pa Ordenansa Nacional riba Impuesto General pa cu obligacionnan internacional no wordo aproba.

Minister di Finanzas, Ardwell Irion a bisa parlamentarionan durante un sesion diahuebs cu bay riba lista preto por conduci na daño reputacional na e pais, y banconan di inversion rond mundo por no ta dispuesto pa financia proyectonan na e isla. Otro consecuencia por ta contramedida for di paisnan CRS (common reporting standards).

E reunion riba e ordenansa ta bay bin den parlamento pa algun tempo caba, pa varios motibo, y actualmente ta den etapa unda parlamentarionan por vota riba e propuesta di ordenansa, un amienda temponan aya proponi pa parlamentario Rolando Brison, cu a ser reformula y entrega di nobo.

Ora a resumi e reunion dia 6 di november ultimo, Brison a entrega un propuesta pa un

amienda di e draft basa riba preocupacion cu e tabatin tocante e comparticion di data personal di doñonan di cuenta na institucionnan financiero y bancario. E amienda tabata concerni Artículo I, parti B y Artículo 61A di e draft. Irion a bisa parlamentarionan cu Departamento di Asunto Fiscal ‘fuertemente’ a conseha contra amienda di Brison, pero a nota cu si no por revoca e amienda, e ora ey e departamento tabata propone pa cambia su formulacion.

Brison a bay di acuerdo pa retira su amienda y reformula esaki. El a bisa cu e tabatin mester sikiera un siman pa haci esaki. E reunion subsecuentemente a keda posponi pa un siman pa permiti Brison revisa su amienda y entrega e version nobo.

Background

Splicando pakico e amienda ta necesario, Irion a bisa cu Ministernan di Finanzas y gobernadornan di banconan central di Grupo di Binti (G20), dia 19 di april 2013 a sostene e intercambio automatico di informacion financiero como e standard nobo spera. El a bisa cu e partidonan aki a reconoce cu, a traves di adopcion di maneho comun pa intercambio automatico di informacion, por

combati evasion di impuesto offshore mas eficientemente mientras ta minimisa costo pa gobierno y institucionnan financiero.

Cu sosten fuerte di G20, OECD hunto cu paisnan G20 y den cooperacion cercano cu stakeholders di UE y otronan, a desaroya e Standard for Automatic Exchange of Financial Account Information.

A urgi St. Maarten pa compromete na e standard aki y a compromete despues di tuma na cuenta e consecuencianan negativo di no haci esaki. Segun Irion, basa riba legislacion existente, gobierno actualmente no por cumpli cu e obligacionnan resultando di e acuerdo en cuestion. El a bisa cu sin e legislacion, institucionnan financiero local no ta autorisa pa automaticamente provee gobierno cu informacion disponibel di doñonan di cuenta.

Durante e etapanan inicial di e trato di e asunto den Parlamento, a pasa un mocion pa suspende e trato di e legislacion pendiente mas clarificacion di Common Reporting Standard.

A busca asistencia di Forum Global di OECD pa Parla-

mento tocante e contenido, validez, urgencia y importancia di CRS y e consecuencianan correspondiente si no cumpli. OECD a bay di acuerdo pa duna asistencia, y dia 11 di december 2018, representante di OECD Radhanath Housden a dirigi su mes na Parlamento tocante nan preocupacion.

Housden a informa Parlamento cu Forum Global di OECD no ta dicidi kico ta pasa cu St. Maarten den caso cu Parlamento no aproba legislacion CRS, sino djis informa. Iniciativa G20, Iniciativa di UE ta dicidi kico pa haci cu e informacion. Segun Housden, ya ta un hecho cu St. Maarten ta laat, y el a conseha pa implementa e legislacion

lo mas pronto posibel.

Mirando criteria di G20, intercambio di informacion CRS mester a wordo realisa pa september 2018. Sinembargo, pa motibo di horcan Irma na 2017, St. Maarten a pidi un extension te cu 2019.

Como cu St. Maarten no a completa e rekisitonan pa implementa e standard Automatic Exchange of Information (AEOI) pa cuentanan financiero, manera a compromete, consecuentemente OECD lo reporta St. Maarten como un hurisdiccion cu no a implementa satisfactoriamente e standard di transparencia di impuesto segun criteria poni pa lidernan G20.



Extremismo derechista aumentando na Hulanda

HULANDA (dutchnews.nl) – Extremismo derechista y racismo ta aumentando na Hulanda, pero atakenan cu motibo racista ainda ta inusual, segun Trouw a reporta ayera.

E corant a bisa cu un patronchi di atakenan cu motibo racial manera na Alemania, unda a registra alrededor di mil incidente violento na 2018, no ta algo cu ta copia na Hulanda.

Consehero di servicio di seguridad Hulandes AIVD a bisa cu atakenan asina na Hulanda ta limita na ‘algun docena pa aña’. E tono di e debate sinembargo ta birando mas radical. “E cantidad di comentario racista a aumenta enormemente y tin un cambio den kico ta considera lenguahe normal. Pero e derecha extremo ta parce di keda leu di violencia”, segun Nikki Sterkenburg, investigado PhD di Leiden kende ta studiando extremismo derechista na Hulanda.

Na momento cu activistanan derechista recurri na violencia, manera tabata e caso na aña 2016 tempo cu a tira bom riba un moskee na Enschede, sosten di derecha extremo ta tiki, segun Sterkenburg. “Pafo di Alemania, unda Nazinan tradicional y skinhead ta forma un gran parti di e escena di derecha extremo, Hulanda tin gruponan separa y individuonan solitario. Nan por tuma contacto cu otro riba internet, pero nan no ta organisa.”

Esaki ta haci dificil pa calcula un cantidad, maske polis ta na altura di un grupo di alrededor di 150 pa 250 persona cu ta atende charla di demostracion. E cantidad aki no a cambia den varios aña, Sterkenburg a bisa. Un vocero di AIVD a bisa Trouw cu e menasa di derecha extremo ta chikito compara cu otro paisnan, pero cu actonan di persona solitario radicalisa como resultado di lenguahe di odio no por ser descarta.

Sterkenburg a bisa cu partidonan derechista eligi democraticamente manera PVV y FvdD ta ‘normalisa retorica

di ultra- derecha cu ta deshumanisa minoria etnico. Pero no ta cla si esaki ta conduci na violencia’.

E siman aki, lider di FvdD, Thierry Baudet a ser acusa di usa lenguahe di ultra-dere-

cha durante un debate riba e contribucion Hulandes pa Union Europeo, ora el a bisa parlamentarionan cu UE ta-

bata promoviendo e ‘debilitamento di identidadnan nacional Europeo’ na favor di multiculturalismo.



KABINET VAN DE GOUVERNEUR VAN ARUBA

VACATURE: Communicatiemedewerker

Dit betreft een herhaalde oproep.

Kandidaten die in augustus 2019 hebben gesolliciteerd, worden verzocht niet opnieuw te reageren.

Het Kabinet van de Gouverneur van Aruba is op zoek naar een allround communicatiemedewerker, die houdt van afwisseling en uitdaging en in staat is snel te schakelen tussen een veelheid aan taken op het gebied van communicatie. Je hebt een neus voor actualiteiten en overziet de impact daarvan op de positie van de Gouverneur en het Kabinet.

Taken

- Ondersteunen van de Gouverneur en Directie op het gebied van communicatieaangelegenheden en woordvoering
- Onderhouden van relaties met de media en beheren van diverse social media kanalen
- Actualiseren en onderhouden van de website
- Schrijven en verspreiden van persberichten
- Ontwikkelen en actueel houden van voorlichtingsmateriaal
- Schrijven van speeches of het bieden van ondersteuning daarbij
- Opstellen van een communicatieplan van het Kabinet en de Gouverneur en het zorgdragen voor de uitvoering daarvan

Functie eisen

- Je hebt een HBO opleiding communicatie
- Je beschikt over praktisch-theoretische kennis van communicatie en voorlichtingsmethoden en -technieken
- Je hebt tenminste 3 jaar werkervaring in professionele externe communicatie als adviseur en/of woordvoerder
- Je hebt kennis van de organisatie, het werkkterrein en de positionering van de Gouverneur en het Kabinet
- Je bezit de vaardigheid om complexe materie in een begrijpelijke boodschap om te zetten
- Je bent vaardig in het formuleren van adviezen en het over- en uitdragen van informatie en standpunten
- Je hebt gevoel voor politieke en bestuurlijke verhoudingen en bent in staat daar adequaat op in te spelen
- Je adviseert collega's op het gebied van communicatie en verzorgt mediatraining

Competenties

- Je hebt een proactieve en oplossingsgerichte houding en een flexibele en resultaatgerichte instelling
- Je bent integer, zelfstandig, sociaal vaardig en creatief
- Je hebt aantoonbare affiniteit met online/sociale media
- Je hebt een vloeiende beheersing van het Nederlands, Papiaments en Engels in woord en geschrift
- Je bent in staat projectmatig en in teamverband te kunnen werken
- Je bent strategisch sterk en hebt een flexibele en resultaatgerichte instelling

Contract en salaris

Ten aanzien van het contract zijn diverse vormen denkbaar, variërend van een arbeidsovereenkomst tot een overeenkomst van opdracht (freelance, zzp-er, e.d.). Het contract wordt aangegaan voor tenminste 24 uur per week. Over verruiming van aantal uren kan worden onderhandeld. Gelet op het feit dat het een nieuwe functie binnen de organisatie betreft en de functie na een jaar zal worden geëvalueerd, zal het (eerste) contract, onafhankelijk van de vorm die gekozen wordt, worden gesloten voor de duur van een jaar.

Indien geopteerd wordt voor een arbeidsovereenkomst, zal inschaling plaatsvinden in schaal 9 of 10 van de Arbeidsvoorwaarden Lokaal Personeel (minimaal AWG 5.232,08 en maximaal AWG 7.024,33 per maand bij een werkweek van 40 uur), afhankelijk van kennis en ervaring. Indien uw voorkeur uitgaat naar een overeenkomst van opdracht (inhuurconstructie), dan wordt u verzocht om in een aparte bijlage bij uw sollicitatie aan te geven hoe u daar in de praktijk invulling aan wenst te geven en welk uurtarief (incl. bbo) u daarbij hanteert.

Een assessment of praktijkopdracht is mogelijk onderdeel van de sollicitatieprocedure. In alle gevallen wordt de overeenkomst pas gesloten nadat een referentiencheck heeft plaatsgevonden, een recente Verklaring omtrent het gedrag (VOG) is overgelegd en een geheimhoudingsverklaring is ondertekend.

Meer informatie

Indien u nadere informatie wenst, dan kunt u contact opnemen met Reinoud Pronk, plaatsvervangend directeur van het Kabinet van de Gouverneur van Aruba op telefoonnummer (+297) 732-0777.

Solliciteren

U wordt verzocht uw sollicitatiebrief en cv, beiden opgesteld in het Nederlands, per email in te sturen. Indien u opteert voor een inhuurconstructie, voeg dan additioneel een separate bijlage toe met een toelichting op de inhuurconstructie en uw uurtarief. Sollicitaties dienen uiterlijk op maandag 2 maart 2020 te zijn ontvangen op het volgende emailadres:

sollicitatie@kabga.aw



Clasificado

ECONOMICO

Personal GRATIS max. 20 palabra

 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM

Email nos na
 classified@cspnv.com

TA BENDE

 un apartamento muebla
 Schotlanstraat 17
 Apt.J
 Tel. 593 3636

SERVICIO PUBLICO

 Señora ta ofrece servicio pa
 cuida mucha of hende grandi-
 Tel: 593 1777

SERVICIO PUBLICO

 ta yuda busca cas
 pa cumpra of huur
 Tel. 563 1449

TA HUUR

 Studio apartment semimuebla
 en Playa (max 2 persona):
 living cu cushina y un camber
 cu baño. Afl.700
 Tel 662 3892

SERVICIO PUBLICO

 ta haci tur tipo di trabou
 di costurera
 Tel. 593 2085

TA BENDE

 Caha di Orgel.
 Tin 3 cylinder NOBO.
 Pa mas informacion yama
 Tel. 593 0203

TA BENDE

 un cas: 3 camber / 2 baño
 na Primavera, Awg.395.000
 Tel.592 9966

SERVICIO PUBLICO

 Mi ta ofrece servicio di
 electricidad en general,
 problema cu corto circuito
 y mantencion
 Tel. 566 5026

SERVICIO

 Unified One Events
 Photos, films, wedding
 Tel. 749 2533

SERVICIO PUBLICO

 Master Nails
 Pa e miho servicio y experiencia
 den mantencion y atencion pa
 bo huñanan. Yama pa un cita
 Tel. 744 9214

TA HUUR

 Studio/ apartment semimuebla
 en Playa (max 2 persona): living
 cu cocina y un camber cu baño.
 Afl.700
 Tel. 662 3892

FOR SALE

 structura pa traha casdi trailer
 mas grandi cu 40 pia. Fls.5 mil
 Tel. 569 4343

TABENDE

 Tubo pa colga paña un set (2x)
 pa Fls.200
 Tel: 569 7787

SERVICIO PUBLICO

 Buscando auto pa huur y na
 bon prijs? yama nos
 Tel. 593 9953/ 593 8453

SERVICIO PUBLICO

 ta drecha tur sorto
 di Imagen y verf
 Tel. 584 2489

SERVICIO PUBLICO

 Barata Barata
 Nos ta chapi, lanta sushi, spuit
 veneno, corta mata, na bon prijs
 Arubiano balente
 Call 592 5766

SERVICIO PUBLICO

 Pa haci trabou di verf y chapi,
 tur mantencion di pafor di cas
 Yama y puntra pa Benito na
 Tel.593 0040

SERVICIO PUBLICO

 Ta haci tur trabou di
 construccion y carpinteria y tur
 cos cu ta furamento di stul
 Tel : 746 0518

TA BENDE

 Un Cas Moderno: 3 Camber
 2 banjo na Boroncana.
 Awg. 475.000.00.
 Tel: 565 0831

TA HUUR

 En Seroe Blanco Apto para
 1 persona (mujer) amoblado
 Fls.600 incluye wifi-TV Cable
 Preferiblemente comunicarse
 por Whatsapp
 Tel.562 3006

TA HUUR

 apartment na Madiki Kavel
 Whatsapp
 Tel. 746 2395

GRATIS

 Nos ta piki tur sorto di auto bieu,
 gratis. Tambe aircro, bateria,
 stoof, wasmachin, frigidaire etc
 Tel. 561 4297 / 561 5179

SERVICIO PUBLICO

 Para todo lo que se refiere a
 tapiceria de muebles, autos,
 botes. Reparamos bambú,
 cabana. Todo lo relacionado
 con carpinteria
 Tel. 569 7539 / 746 0518

SERVICIO PUBLICO

 Masaje relajante, sports ma-
 sages, aroma terapia, piedras
 calientes, reflexologia, faciales
 Sabana Basora # 157 P.Ch.
 Tel. 561 8520

TA HUUR

 1 studio camber muebla inclui
 awa, gas, cable. Pa 1 persona,
 hende serio so.
 Na highway
 Tel. 741 8637

TA HUUR

 Pa famia maximum
 4 persona.
 Yama pa informacion
 Tel.568 4209

TA BENDE

 BBQ Grill tipo cilinder
 "criyoyo" duradero
 Prijs Afl.250
 Tel. 569 7787

SERVICIO PUBLICO

 Construction
 remodelacion di cas, traha cas,
 apartment, traha y drecha dak,
 electricidad, verf pega mosaico,
 traha cura, plomeria. Bon prijs
 Tel. 593 3141

SERVICIO PUBLICO

 Gran Feria di Fruta y Verdura
 na Rococo Plaza diahuebs,
 diabierna y diasabra 3 or te cu
 8 or anochi . Tur siman

SERVICIO PUBLICO

 Sra. ta dispuesto pa haci trabou
 den cuido di mucha y anciano y
 tambe limpieza di cas of oficina
 Tel. 568 1152

SERVICIO PUBLICO

 Mi ta ofrece servicio di electri-
 cista en general corto circuito y
 mantencion
 Tel.566 5026

SERVICIO PUBLICO

 Se ofrece servicio de reparacion
 e instalacion de aires acondicion-
 nados Split e industrial tambien
 reparamos frigidaire, cuartos
 frios y fabricantes de hielo
 Tel. 600 0750

SERVICIO PUBLICO

 Albañil, ceramica, porcelanato,
 plomeria, pintura, cielo raso,
 puertas de madera, puntos
 electricos, soldadura, Bloques,
 Frizos, pisos. Yama ya
 Tel. 740 1242 / 740 4003

TA BUSCA

 pa cumpra 1 tereno Eigendom
 di ongerveer 400 m2 pa 500
 m2 den vecindario di Madiki,
 Socotoro, Meinveld, Ponton,
 Companachi of otro bario
 Tel.593 0769 / 593 3514

TA HUUR

 Apartment full muebla. Incl.
 awa, excl. coriente. Vecindario
 Tele Aruba.
 Pa mas info yama
 Tel.593 8488 / 593 7755

SERVICIO PUBLICO

 recojemos todo tipo de basura
 (nevera, estufa, etc)
 Tel. 564 1979

FOR SALE

 Commercial property close to
 the new Container Port in
 Barcadera, build-up 424 m2,
 land 2400 m2 for \$337,078.
 For more details
 Tel. 593 6318

FOR SALE

 Gorgeous two story house in
 Paradera, 3 bedrooms/
 3 bathrooms with pool for
 \$470,000
 Tel.593 6318

SERVICIO PUBLICO

 Pa tur trabou di tapiceria di
 mueble, auto, yate y barco.
 Nos ta haci trabou di cabana y
 bambu y nos ta verf
 Tel : 569 7539 / 737 3993

ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI
MAS CERCA DI BO!

Yena aki bao e siguiente informacion
Telefon

Number completo:.....

Adres di entrega:.....

Adres di cobranza:.....

Pago Adelanta:
☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

Yama na telefon: 582-7800 of manda un email na accounting@bondia.com
www.bondia.com

Gregorio Wolff:

Guaido despues di un año cu e titulo ‘Presidente Autoproclamado’

ORANJESTAD – Aña pasa, 23 di januari, ariba un plasa di un barío di hende bon para, e meneer aki a autoproclama su mes como presidente di Venezuela. Un titulo of acto hamas conoci den hurisprudencia di derechonan internacional. Algo nobo cu no ta conoci y cual ta difícil pa ricibi algun reconocimiento huridico.

Podise e ta solamente un balor sentimental, pero grandi, despues cu USA a reconoce e autoproclamacion di Guaido como presidente di Venezuela. A sigui mas reconocimento di paisnan den hemisferio America, di e grupo di Lima, di paisnan na Europa y otro partinan di mundo. Pero e reconocimiento tabata pa Guaido ta Presidente Interino o presidente encargado y dentro di un luna Guaido mester convoca eleccion pa presidente di Venezuela nobo. E no tabatin e poder y eleccion no a tuma lugar nunca.

Reconocimiento di mayoria di paisnan ta dualistico,

Un parti grandi di e paisnan cu, ban bisa, a reconoce Guaido, mayoria, a hacie den un forma cu por ser mira como dualistico, manera ta e caso di e paisnan Europeo, entre nan Hulanda. E reconocimiento di Guaido ta un reconocimiento di e politica di Guaido pa trece mas “democracia”, ora e yega na presidencia. Pero na mesun momento nan ta reconoce Nicolas Maduro como Presidente, pasobra su gobierno tin control ariba polis y ariba militar, ariba fronteranan, ariba trafico cu ta drenta y sali na Venezuela, etc.. Esaki, derechonan Internacional ta bisa tambe. E lider di e gobernacion di un pais tin podernan segun Leynan internacional y por firma tratadonan. Como 30 pais a reconoce Guaido politicamente, pero nan a sigui mantene nan embahada na Caracas y Gobierno Maduro=Venezuela tin su embahada y consulnan na e paisnan ey. Por bisa cu e ta un reconocimiento contradictorio.

Varios paisnan Europeo a bisa cu reconocimiento di Guaido tambe ta pa pone presion ariba presidente Maduro pa trece un cambio politico y mehora e situacion humanitario, cual ta consecuencia di

e sancionnan Mericano.

UN (Nacionnan Uni) no ta reconoce Guaido

Aña pasa na Januari Guaido a manda un peticion na UN pa accionnan di ayudo humanitario na Venezuela. E a ricibi un contesta di Secretario General Antonio Guterres di UN, cu UN ta coopera solamente cu e gobierno reconoci di Venezuela y dirigi pa Presidente Maduro. UN ta dispuesto pa aumenta su actividadnan di ayudo humanitario na Venezuela, sinembargo UN mester di e aprobacion y cooperacion di Gobierno di Maduro.

Pues no tin reconocimiento pa Guaido na UN. Y Nicolas Maduro ta keda e Presidente legitimo di Venezuela.

Maduro ta representa e estado cerca organonnan internacional y por pidi ayudo y asistencia di otro paisnan. Profesornan ariba derechonan internacional ta bisa esaki. Pues Guaido no por ser reconoci como e lider legitimo di Venezuela. Tambe nan ta bisa cu Merca tin otro criterionan cu ta desvia di derechonan internacional, sigur ora ta cumbini Merca.

Pues e reconocimiento dualistico di Guaido na hopi pais por ser considera contradictorio, ta reconoce su lucha politico pero ta sigui reconoce Maduro como e presidente di Venezuela.

Espana a cumpra “Gato en Saco”

Un hecho palpabel a sosode algun dia pasa na Spaña, un ministro a bay papia cu Guaido y otro ministro a bay papia cu Delcy Rodriguez, vice-presidente di Venezuela. Den tur esey e prome ministro di Spaña Sánchez a yama Guaido un “lider di oposicion na Venezuela”. Nada di presidente of presidente interino of presidente encargado, manera tabata e caso na jan/feb 2019. Spaña tabata e prome pais cu a reconoce Guaido na Jan 2019 y otro paisnan na Europa a sigui Spaña, cu excepcion di Italia. Comentaristanan na Spaña a bisa cu e caso di Guaido ta indica cu na 2019, mundo politico na Spaña a cumpra “gato en saco”,

Nan ta bisa cu ta evidente cu Guaido despues di un año no a cumpli cu ningun di su promesanan y accionnan. Leu di trece solucionnan, claramente Guaido a dem-

ostrá di ta inutil, a perde su apoyo di pueblo y politicamente na Venezuela, un parti di oposicion no kier e mas como Presidente di Asamblea Nacional.

Mientras Maduro ta mas fuerte cu nunca como Presidente.

Ademas e actonan corruptivo di Guaido ta creciendo:

-Ta Sali for di pais na un forma ilegal.

- A keda comproba cu e tin lasonan fuerte cu e organizacion Colombiano paramilitar, cual su actividad mayor ta cocaina, cu e nomber “Los Rastrojos”, cual organizacion ta percura pa Guaido sali ilegal for di Venezuela y drenta Colombia.

- Den un video, claramente por wak con su siguidonan di su partido Boluntad Popular yama Guarimberos ta e autornan di cende na candela e camionnan cu Ayudo Humanitario ariba e brug entre Venezuela y Colombia y Guaido a tira culpa ariba Presidente Maduro.

-A saca declaracion cu tin un golpe di estado na Base aereo La Carlota, mientras cu ta riba e autopista dilanti di e base militar e tabata grita cu un dozijn di militar su tras.

-Su tata a cumpra un compania grandi di Taxi na Spaña, cu placa di Venezuela.

-Ta biaha cu nomber falso pa drenta Venezuela.

-Ta sali na cla actonan corrup-

tivo di personanan rond di dje den desfalconan biyonario, den cual ta inclui tambe Giuliani, abogado di Trump.

-Tin mas actonan di su persona, cualnan no por mira claridad di dia.

No a ser confirma cu tin un cambio di posicion di Gobierno di Spaña, encunto Guaido. E cambio aki sigur lo tin un repercusion pa otro paisnan di EU (Europa Uni). Maske tur hende sa cu hopi biaha politica internacional y global di EU ta ser dicta na USA.



Auto a bolter riba rotonde pabou veld Frans Figaroa



ORANJESTAD – Diabierna marduga chauffeur di un Hyundai a lubida riba e rotonde pabou di e veld di Frans Figaroa riba Boegeroei y a subi esaki y bolter.

E auto a keda riba su dak riba e rotonde. E chauffeur a sali di su mes. Polis tabata presente pa tuma dato y roadservice a keda encarga cu e accidente.



Bureau City Inspector a reparti saco durante di parada di carnaval



ORANJESTAD – Durante parada di mucha na playa, BCI a reparti saco y a mara saco na e baricadanan pa pueblo por tira su desperdicionan den e saco.

Esaki a duna su resultado pa motibo cu e aña aki tin menos sushi ariba caya y na final bo por mira cu e saconan a wordo yena y poni pa Serlimar pasa busca nan. E unico parti cu si tabatin hopi desperdicio ta e parti di Juliana school bay abou te na final di e parada. Otro siman nos lo ta ariba caya atrobe pa por pone saco na e baricadanan pa asina nos yuda e pueblo y stimula nan pa ban mantene nos Aruba limpi. Un Aruba sin sushi ta un Aruba dushi.



Chauffeur a dal kibra palo di luz na Mon Pos bay laga auto atras



ORANJESYAD – Diabierna atardi nan Mon Pos habitantenan a scucha un desordo y ora a bay wak kico a sosode un auto Nissan Sentra a dal den e palo di luz y esaki a cay riba e auto.

Den e auto e chauffeur a core sali bay laga e auto atras cendi. Polis a yega di biaha pero cerca no a yega debi cu no sa si tin coriente ainda riba e palo di luz y e auto. Personal di Elmar a yega di biaha y a corta coriente den e area y a cuminsa cu e trabounan di kita e wairanan di coriente y e palo di luz manera cu e truck presenta e trabounan necesario cuminsa.

Polis a tuma e auto den beslag te ora cu un persona bin reclama esaki.

Parada di Luz na San Nicolas ta termina cu 31 detencion



ORANJESTAD – Agentenan di polis tabatin man yen cu detencionnan diahuebs anochi te cu final di e parada, cu tabata diabierna pa 1:50 marduga. Un total di 31 persona a keda deteni pa 2020.

Si mira 2019 ta un 16 hende a keda deteni, kiermen esaki a aumenta pa 2020.



Diahuebs anochi pa 8:00 SMAC conhuntamente cu Cuerpo Policial a haci inicio na e parada di luz na San Nicolas, tabata tin un 9 grupo cu a participa y mas o menos 4000 participante. A conta cu 160 personal riba pia, diferente departamento di Cuerpo Policial riba caya tambe hunto cu personal di CEA. Pa 00:35 e cabes a yega Joe La Veist y pa 1:50 marduga e parada a yega su final.

Diesun chauffeur deteni despues di Parada di Luz San Nicolas



ORANJESTAD – Diahuebs anochi te cu diabierna marduga, polis motoriza tabata riba caya controlando y a para varios auto. Full e control 11 chauffeur a keda deteni pa maneha auto bou influencia, di cual 1 chauffeur su rijbewijs a wordo kita.

Cuerpo Policial ta keda conseha pa si bo ta pensa di bebe alcohol haci uso di bo AMIGODIDI pasobra controlnan di nos motorunit lo continua despues di cada evenemento di carnaval.



**EN CONNECCION CU
CARNAVAL WEEKEND, TUR
NOS TIENDANAN LO TA SERA
DIASABRA TE CU DIALUNA.**

DIAMARS NOS LO TA HABRI NORMAL!



amc unicon

Ucraniano ta tira piedra riba evacuado di China

NOVI SANZHARY, Ucrania (AP) — Esfuerso di Ucrania pa pone mas di 70 persona den cuarentena evacua for di China pa motibo di COVID-19 a cay den caos ayera, mientras residentenan local oponiendo e movida a lansa piedra na e evacuadonan y a participa den enfrentamento violento cu polis.

Oficialnan a condena e violencia, y minister di Salud di e pais a priminti cu lo comparti e cuarentena di e evacuadonan pa dos siman den un intento pa calma e manifestantenan, kende tin miedo cu lo ser infecta.

Bus cu evacuadonan abordo finalmente a logra alcansa e luga designa pa cuarentena despues di oranan di enfrentamento. E evacuadonan bistiendo mascara, exhausto pa e biahe largo, tabata mira a traves di e bentana di e bus mientras tabata core poco cu escolta di polis.

Piedra a kibra bentana den un di e busnan, pero ningun evacuado a muestra di a keda herida.

Desde mainta trempan, varios centenares di residente di e pueblo di Novi Sanzhary na region central Poltava a cera caminda na un sanitario unda lo aloha e evacuadonan, pa miedo di infeccion. Manifes-



tantenan, algun di ken tabata parce burachi, a pone blokeo riba caminda, kima taira y enfrenta cu polis di riot, kende a move pa libera acceso. Un

manifestante a purba di trapa polis cu su auto. Nuebe agente di polis y un civil tabata hospitalisa, polis regional a bisa den un de-

claracion. A detene mas di 10 manifestante, y minister di Interior di Ucrania, Arsen Avakov personalmente a bishita e sitio di e protesta pa purba di calma e multitud. Avakov a urgi e manifestantenan pa 'no cay pa provocacion y tin comprension di e necesidad pa e medidanan temporal aki'.

Presidente Ucraniano, Volodymyr Zelenskiy a bisa cu e protestanan ta muestra 'no e miho banda di nos caracter'. El a purba sigura hende cu e evacuadonan den cuarentena no lo representa ningun peligro na residentenan local. Den un declaracion riba su pagina di Facebook, Zelenskiy a bisa cu e hende evacua

for di China ta saludabel y lo biba den un centro medico cera, maneha pa Guardia Nacional den e pueblo como un precaucion.

Minister di Salud, Zoryana Skaletska a bisa cu e lo join e evacuadonan den cuarentena pa dos siman pa yuda kita preocupacion di e ciudadanonan. El a urgi residentenan pa muestra simpatia y sosten na e evacuadonan, enfatisando cu e facilidad di cuarentena ta cumpli cu standard internacional.

Pero legisladonan municipal den e pueblo a priminti di sigui opone e evacuacion, bisando cu e sistema di pos di e sanitario ta conecta cu esun den e pueblo y ta termina den un facilidad di awa cercano.

Durante e enfrentamento entre residente local y polis, prome minister Oleksiy Honcharuk a bisa cu lo bula inmediatamente na e sitio pa personalmente supervisa.

Den oranan trempan ayera, un avion cu 45 Ucraniano y 27 stranhero a sali for di Wuhan, centro di e brote cu a infecta mas di 75mil persona rond mundo y cobra bida di mas di 2,100.

Esunnan evacua ta inclui hende di Belarus, Kazakhstan, Argentina, Ecuador, Costa Rica, Republica Dominicana, Panama y otro pais.



Lo firma acuerdo di paz entre Taliban y Merca pa reduci violencia



ISLAMBAD (AP) — E cuenta regresivo pa firma di un acuerdo di paz entre Taliban y Merca pa pone fin na 18 año di guerra na Afganistan lo cuminsa diabierna anochi, ora cu

e drenta den vigor na 'reduci violencia' di 7 dia promove pa Taliban. Nan lo firma e acuerdo dia 29 di februari.

E trahado no a specifica un

ora specifico den cual a cuminsa cu reduccion di violencia. E acuerdo di Merca y Taliban lo wordo firma 29 di februari na Doha, Qatar. E secretario di Merca, Mike Pompeo a bisa cu acuerdo di

paz tambe lo conduci eventualmente na paro di conflicto permanente.

E acuerdo tambe ta pa garantiza cu Taliban no lo uza forsa pa ataca Merca su aliadonan. E meta ta e retiro gradual di forsa di Merca y otro forsan stranhero di e pais pa 18 luna.

"Nos ta prepara pa firma cu tin luga 29 februari. E negociacion lo cuminsa despues y lo basa e paso fundamental pa logra un candela integral y permanente na e rol di politica pa Afganistan. E unico forma pa logra un pas sostenibelm. Pa nan hende di Afgansitan uni na acuerdo di e caminda pa sigui", Pompeo a bisa.

Ainda no ta cla kende ta representa Kabul na e mesa di negociacion pa combersa cu Afganistan, considerando un pilar clave pa haya un paz duradero na e pais devasta pa guerra. Taliban a nenga pa papia cu gobierno di Ghani y

tambe denuncia resultado di eleccion, bisando cu lo papia cu representante di gobierno. Declaracion di Pompeo no a bisa kende lo representa Kabul, sino solamente cu negociacion paden di Afganistan lo cuminsa pronto despues di firma na Doha y lo basa na e paso fundamental pa logra un fuego integral y permanente y rol di politica di e pais.

Alemania y Noruega a ofrece organisa combersacion di Afganistan, pero ainda no a establece un luga tampoco tin comecario di e president di Ghani. Taliban a emiti nan mesun declaracion pa acuerdo di reduccion di violencia.



Capita Selecta:

Responsabilidad y Libertad Academico na Universidad di Aruba



ORANJESTAD – Diamars atardi 4 di februari 2020 den Aula di Universidad di Aruba profesor Bakker a duna un les pa studiantenan di e programa Organization, Governance, and Management (OGM) den forma di un dialogo cu e titulo “The good society, academic freedom and the responsibility of universities and academics”.

Profesor Bakker ta un sociologo y profesor na Universidad di Utrecht. Desde 2014 e ta duna sosten regular na calidad di e programa di Organization, Governance and Management (OGM), cu proyecto educativo administrativo y e ta yuda profundisa tema relevante di OGM. Su especialidad ta intervencionnan pa atende y posiblemente solucionare reto den comunidad. E les aki, yama Capita Selecta y ta e di dos pa e aña academico aki. E prome lectura a ser duna pa Profesor Noordegraaf na november ultimo y e tema tabata ‘Public Value’ di OGM. Profesor Noordegraaf tambe to sostiene OGM regularmente cu calidad y innovacion di e programa y investigacion.

E biaha aki e tema principal di Capita Selecta tabata; kico ta e responsabilidad di cada estudiante pa cu e mundo academico. E les tabata un les interactivo y e studiantenan a haya diferente tarea. E prome tarea tabata cu e studiantenan mester a discuti y presenta kico segun nan ta un bon comunidad (good society). Despues di 15 minuut e gruponan di 5 of 6 estudiante a presenta cu nan ta haya cu un bon comunidad tin un proceso democratico inclusivo y cu miembro di comunidad ta cherce responsabilidad propio. Ademas e studiantenan a trece dilanti cu tin integridad, reciprocidad, y un nivel di civismo consciente.

Pa e di dos tarea e studiantenan mester a discuti y contesta tres pregunta despues cu profesor Bakker a duna un splicacion di kico ta un comunidad habri (open society). Den su splicacion profesor Bakker a presenta tambe kico e academiconan ta pensa ta a rekistonan pa sigura un sociedad habri y saludabel. E preguntanan di discusion di profesor Bakker tawata lo siguiente; Si Universidad di Aruba

tin un responsabilidad pa contribui na un sociedad habri, y dicon. Si Universidad di Aruba tin un responsabilidad pa proteha libertad academico, y dicon y si e studiantenan tin un responsabilidad awo como estudiante, y despues como profesional, pa contribui na e sociedad habri y pa proteha libertad academico. Tambe ta puntra pa nan elabora con esaki lo muestra den nan actitud.

Ta interesante pa menciona cu e studiantenan ta haya cu Universidad tin e responsabilidad pa contribui na un sociedad habri, tambe habri e porta pa un dialogo sensitivo y cu personanan cu porta tin opinionnan of ideanan menos popular. A presenta si cu mester tin condicion bou di cual ta haci e dialogonan sugeri. Tambe a presenta cu lo mester ofrece mas oportunidad pa entrena pa dialoga, debati y ta mas critico. Por ultimo a presenta tambe cu mester crea plataforma pa discuti investigacion conductor di e studiantenan.

Como futuro profesional a sugeri cu e studiantenan mester ta conciente cu ora nan sali como un OGM-er y nan papia cu miembro di comunidad nan sa cu nan ta haci otro pensa critico, embarka riba un trayectoria critico y academico (journey), compartiendo nan conocimiento. Contribui na un comunidad basa riba data (cientifico) y haci esfuerzo pa ta e cambio cu bo kier ta den e comunidad.

Na final di su presentacion a pidi e studiantenan pa pensa riba algun pregunta general: Kico ta e retonan y oportunidadnan pa un comunidad habri na Aruba?

Kico ta e retonan y oportunidadnan pa e responsabilidad cu Universidad di Aruba tin pa promove un comunidad habri na Aruba?

Profesor Oostindie, profesor di estudionan Colonial y Post-colonial cu tambe a asisti e les a duna palabra di clausura y a corda e studiantenan pa ta critico, pero pa tuma nota cu ora nan ta den un debate nan por ta berdaderamente critico pero unabes cu e debate termina nan por ta cordial y respetuoso. E la haci e yamada aki pasobra e ta haya cu hopi biaha den comunidadnan chikito ta laga di ta critico den nomber di respet.



ANUNCIO

En conexion cu dialuna di Carnaval, tur Teleshop ta sera:

dialuna 24 di februari 2020

E kiosk na Airport y e Contact Center ta keda duna servicio orario normal.

SETAR
Creando Conexion

Lion Carla Martinus y Aruba One Happy Island Lions Club a haya reconocimiento como VOTY 2019



ORANJESTAD - Durante luna di december ultimo a tuma luga e evento di VOTY 2019, "Volunteer Of The Year 2019" organisa pa Cede Aruba.

Sra. Carla Martinus miembro di Aruba One Happy Island Lions Club pa su trabao boluntario sobresaliente a ricibi un plakaat como boluntario di Aña 2019, igualmente Aruba One Happy Island Lions Club a ricibi un reconocimiento como club di servicio boluntario di 2019. Siman pasa durante un evento special di Aruba OHIL a otorga e reconocimiento na Fellow Lions Carla Martinus cual a wordo entrega pa Immediate Past President Fellow Lion Andy Curiël y na su turno Fellow Lions Carla a entrega President Fellow Lion Junior Arends e premio ricibi como club boluntario di 2019. Un pabien na Fl. Carla Martinus y na tur miembronan di Aruba One Happy Island Lions Club cu e bunita reconocimentonan cual sigur ta motivacion pa sigui haci trabaonan boluntario na bienestar di nos comunidad. Despues di e ceremonia di instalacion di miembro nobo Fellow Lion Clarette Quandus, reconocimentonan na Sra. Alejandrina Hassell-Henriquez, Fl. Andy Curiël, Fl. Carla Martinus, Fl. Geraldina Frank y club a sigui un rato ameno cu animacion di Massive Brassband cual a presenta di sorpresa pa tur esnan presente. Un bunita actividad pa cual ta gradici The Chapel Restaurant pa nan servicio y tur miembro y invitadonan pa a

asisti na e evento special aki.

Lion Andy Curiël, Lion Carla Martinus y Lion Geraldine Frank ta ricibi reconocimiento internacional

For di Oficina di Lions Club Internacional, Aruba One Happy Island Lions Club a ricibi tres reconocimiento pa e miembronan di directiva diario 2018 - 2019, Immediate Past President Fl. Andy Curiël, Past Secretary Fl. Carla Martinus y Past Treasurer Fl. Geraldine Frank.

E reconocimiento pa e tres miembronan aki ta compromiso activo demostra na e crecemento y fortificacion di nos asociacion. President Fl. Junior Arends a felicita e tres miembronan cu nan reconocimiento y a gradici nan pa excelente contribucion y a invita Vice President Fl. Eugene Dubero pa otorga nan e pin correspondiente.

Lions Club International ta e organizacion di clubnan di servicio activo mas grandi na mundo, un grupo di mas di 1.4 miyon homber y muhenan di mas di 48 mil clubnan den 200 paisnan y areanan geografico rond mundo, cual ta dedica na haci un diferencia den nan comunidad. Club di Lions ta traha boluntariamente dunando servicio na esunnan den necesidad den nos comunidad. Aruba One Happy Island Lions Club ta hopi orguyoso di su miembronan. Bo ta desea mas informacion di nos organizacion bo por bishita nos pagina di Facebook na "Aruba One Happy Island Lions Club".

Durante evento anual pa su ekipo

Aruba Tourism Authority a reconoce 3 empleado cu a sobresali den 2019

ORANJESTAD – Ekipo di Aruba Tourism Authority ta consisti di un grupo grandi di profesionalnan, cu hunto ta traha duro pa asina por cumpli cu e compromiso cu cada un di nan tin cu nos dushi isla. Pa e prestacion di cada empleado por ta uno optimal, e ambiente di trabou mester ta uno hopi ameno y saludabel pa traha aden, mirando e tempo y dedicacion cu e trabou ta rekeri.

Pa yuda mantene y fortalece e union y e ambiente di famia entre empleadonan, A.T.A. ta organisa anualmente un dia di Team Building. E evento sigur tabata un dia special pa e ekipo dinamico aki, cual a yuda fortifica e sentido di traha den ekipo. Durante e dia ameno aki, coleganan di A.T.A. a participa den diferente wegan- an deportivo riba nos bunita playa di Rodgers Beach.

Aruba Tourism Authority sigur ta aprecia y alabes ta reconoce e esfuerso y de-



terminacion cu cada empleado tin pa cu nan trabou. Den cuadro cu esaki, durante 2019 A.T.A. a inicia cu un programa cu ta hiba e nomber di Hi-Fives. E programa ta uno interno di A.T.A. cual ta permiti tur empleado pa duna reconocimiento y merito na nan coleganan pa diferente accionnan cumpli. E programa

di Hi-Fives ta mara na e balornan cu A.T.A. ta haya importante.

Durante atardi, a saca e ganadonan pa loke ta trata e programa di reconocimiento. Despues cu a registra un total di 212 Hi-Fives den 2019, e ganado absoluto a resulta di ta Raul Piar, kende a haya mas hopi feedback positivo,

compliment y reconocimiento for di su coleganan di Aruba Tourism Authority.

Jerusha Rasmijn ta e di dos persona cu a ricibi hopi feedback positivo durante ultimo aña for di coleganan y tambe a ricibi su merecido reconocimiento. Ademas Jerusha Rasmijn a cumpli 30 aña de servicio na Aruba

Tourism Authority recientemente. Algo cu A.T.A. lo conmemora na su debido momento durante e aña aki.

E di 3 persona cu a ricibi reconocimiento tabata Diantha Boekhouwer kende tambe a ricibi hopi reconocimiento di coleganan pa tur su esfuerso y dedicacion cu el a exhibi durante ultimo aña.

Di e forma aki, Aruba Tourism Authority ta yuda na percura cu cada empleado por sinti nan mes honra, y na final presta e miho di nan y alabes ta yuda na engrandecere e laso di famia entre empleadonan di A.T.A., cual na final di dia lo refleha den un manera positivo den e trabou, tarea grandi, y compromiso cu Aruba Tourism Authority tin cu nos dushi isla di Aruba. Un pabien y danki di curason na especialmente e tres empleadonan cu a sobresali den 2019!

Riba e potret por mira mas di e acontecimiento alegre aki.

Aruba One Happy Island Lions Club a duna reconocimiento na Alejandrina Hassell-Henriquez



ORANJESTAD – Aruba One Happy Island Lions Club su proyecto Sonrisa Di Pasco 2019 a resulta un exito y e muchanan y nan famia a keda masha contento cu e actividad aki.

Nos slogan como club di servicio ta “Yuda Nos Yuda Esnan den Comunidad cu ta den Necesidad. Ta danki na nos colaboradornan y special manera Alejandrina ‘Dientje’ Hassell-Henriquez, e proyecto a wordo realisa. Pa e motibo aki den nomber di

Aruba One Happy Island Lions Club Presidente Fellow Lion Junior Arends durante un evento special cu presencia di miembronan di e organizacion, a gradici Sra.



Alejandrina ‘Dientje’ Hassell-Henriquez pa a pone su hogar, tempo y talento disponibel pa e proyecto aki por a bira un realidad exitoso.

Na varios ocasion y actividadnan di Aruba One Happy Island Lions Club, Sra. Dientje Hassell-Henriquez a bin ta duna su cooperacion. Comisario encarga cu Actividadnan di Servicio Fellow Lion Doris Lacle de Eugenio a haci entrega di e Certificado di Aprecio na Alejandrina Hassell-Henriquez den presencia tambe di Vice Presidente Fellow Lion Eugene Dubero y Secretario Fellow Lion Carolina Croes. Hopi danki y nos ta sigui conta cu e bon cooperacion.



Cristiano Ronaldo ta aparece pa di 1000 biaha den wega oficial

TURIN (BBC) –Cristiano Ronaldo ta programa pa aparece pa di 1.000 biaha den su carera excepcional ora su actual club Juventus topa SPAL na Ferrara den Serie A awe.

E astro Portugues a hunga 835 wega den futbol pa un club y 164 riba nivel internacional, y a anota 724 gol den e proceso aki.

E cinco biaha ganador di Ballon d'Or a cuminsa su carera extraordinario cu Sporting na Lisboa, unda e tabatin 31 aparicion di 2002 pa 2003 prome cu el a bay pa Manchester United, na edad di 18 aña.

Despues di seis aña y 292 wega hunga cu United, Ronaldo a join Real Madrid na 2009 y a keda ey te 2018, tempo cu el a haci e cambio pa Juventus.



Ronaldo a cuminsa realmente marca hopi gol continuamente desde temporada 2006 – 2007 tempo cu el a anota mas di 20 gol pa temporada pa prome biaha. Su con-

sistencia desde e tempo ey tabata simplemente fenomenal. Ronaldo a bira miho segun cu su edad tabata subi, particularmente na nivel internacional. Despues di score menos di 10 gol den e prome 10 temporadanan cu e ekipo Portugues, el a anota 10 o mas gol den tres di ultimo cuatro aña.

Real Madrid a beneficia mas di e bon forma cu Ronaldo tabata aden; 450 di su 724 gol den su carera el a score pa e Madrileñonan, apareciendo den 438 encuentro, considerablemente mas cu pa cualkier otro team.

El a anota cinco gol den su 31 wegan pa Sporting, 118 den 292 encuentro pa Manchester United, 99 den 164 pa Portugal y actualmente e ta na 52 gol den 72 wega pa Juventus. Ademá el a anota 55 hattrick di 3 of mas gol.


Miembronan di ekipo femenino di futbol Mericano ta busca pago igual

(AP) – Integrantenan di ekipo femenino di Merca, actual campeonn mundial, ta en busca di mas di \$66 miyon na daño y perjuicio como parti di e caso den corte pa discriminacion di genero contra U.S. Soccer Federation.

E dañonan ta inclui den un cantidad di documento cu a keda entrega na U.S. District Court na Los Angeles, pa un caso cu lo cuminsa tratamiento dia 5 di mei proximo. Entre e documentonan deposita tabatin e acuerdonan colectivo separa di e ekiponan masculino y femenino cu no a ser publica anteriormente.

Hungadornan di e ekipo nacional femenino a demanda e federacion aña pasa maart alegando discriminacion di genero cu ta inclui compensacion desigual entre e ekiponan femenino y masculino. Cada banda den e caso a pidi hues pa un veredicto sumario na nan favor. E calculacion di daño, incluyendo interes, a ser suministra pa Finnie Bevin Cook, un economista di Deiter Consulting Group, contrata pa e hungadornan cu ta den e caso.

E acuerdonan colectivo negocia a mostra un disparidad den bonus pero tambe a indica e structuranan diferente di pago entre e dos ekiponan.



“Hungadornan di e ekipo nacional femenino ta haya pago diferente pasobra nan a pidi pa esey y a negocia un contrato completamente diferente di e ekipo nacio-

nal masculino, a pesar di cu a ofrece, cual nan a nenga, un acuerdo di ‘pay-to-play’ similar na esun di e hombernan durante e ultimo negociacionnan,” U.S. Soccer

a bisa den un declaracion. “Nan preferencia tabata un contrato cu ta provee beneficio adicional significante cu e ekipo masculino no tin, incluyendo salario anual garantisa, seguro medico y dental, asistencia di cuida di mucha paga, vacacion paga pa embarazo y como mayor, beneficio den caso di retiro, pago durante periodo di lesion, acceso na un plan di pension, multiple bonus y mas.”

Molly Levinson, vocero pa e demandantenan, a disputa e declaracion di e federacion, bisando entre otro cu e ‘pay-to-play’ ofreci tabata a base di menos pago den henter e plan.

Ciclismo: Vuelta di Algarve cu coredornan Hulandes activo

TAVIRA, Portugal (CyclingNews) – Un di e clasiconan den tempran den temporada 2020 ta e ‘Volta ao Algarve’ den parti sur di Portugal, na momento cu clima den parti nort di Europa ainda no ta apto pa ciclismo di ruta.

Den su di tres etapa (Faro – Tavira) ayera e Hulandes Cees Bol (Team Sunweb) a logra triunfa den un sprint final venciendo Sacha Modolo (Alpecin-Fenix) y Fabio Jakobsen (Deceuninck-

Quickstep) dilanti di e resto di e peloton. Cees Bol den e etapa inicial na Lagos ainda mester a keda contento cu di seis posicion tras di su compatriota Jakobsen, pero den e etapa aki el a vence tambe otro Hulandes, Dylan Groenewegen, considera generalmente como e miho sprinter di Hulandam cu a gana na Tavira tanto na 2018 como na 2019.

E camiseta cora di Sunweb tabata prominente den e final di e etapa na Tavira, y Bol tabata bon posiciona

den tercer posicion tras di Florian Senechal (Deceuninck-Quickstep) y su propio ‘lead-out man’ Casper Pedersen. Su contrincantenan a subestima e bentaha cu el a tuma saliendo di e ultimo birada prome cu e recta final riba tereno ascendente. Remco Evenepoel (Deceuninck-Quickstep) a termina den e peloton pa retene su posicion di lider den clasificacion general. Etapa 4 di awe ta hiba e coredornan na un finish riba sero na Malhao. Maximilian Schachmann



(Bora-Hansgrohe) ta na di dos posicion na 2 seconde y Daniel Martin di Irlanda (Israel Star-Up Nation) tin mesun tempo na e tercer


posicion. Veterano Portugues Rui Costa (UAE Team Emirates) ta na di cuatro posicion coriendo pa su propio publico.

Ajax derota pa Getafe den Europa League



(AP/dutchnews) – Speransa di Ajax di keda den competencia di futbol Europeo a ricibi un golpi serio diahuebs durante nan wega leu di cas na Madrid contra Getafe, cu a termina den un derota 2-0.

E club di Amsterdam a perde durante e prome leg di e ronda di 32 di Europa League; awo tin tur cos den wega pa e segundo leg di e ronda di 32 proximo siman. Coach di Ajax, Erik ten Hag a bisa despues di e partido: “Nos a perde pa erornan innecesario. E pronostico pa [e siguiente leg] ta malo, pero Ajax no ta un team cu ta give up.”



Alcantara y otro tres pelotero di liga menor suspendi pa droga









NEW YORK (AP) — Agente liber, pitcher Victor Alcantara a ricibi suspension pa 80 wega ayera, bou un programa di droga di liga mayor despues di un test positivo pa e substancia di mehoracion di prestacion, Stanazolol.

E pelotero di 26 aña di edad tabata 3-2 cu 4.85 ERA ultimo temporada den 46 presentacion di relevo pa Detroit Tigers. El a bira un agente liber herfst ultimo despues cu el a ser asigna na Triple-A Toledo dia 24 di october. Alcantara a haci su debut den liga mayor na september 2017 y tabata 4-3 cu 4.28 ERA den 79 wega durante

tres temporada cu e Tigers. E ta e di cuatro hungado suspendi e aña aki bou di e programa di Big League despues di pitcher di Houston, Francis Martes; outfielder/infielder di Pittsburgh, Pablo Reyes; y pitcher di Colorado, Justin Lawrence.

Ademas, tres hungadonan a ricibi suspension di 50 wega cada un bou programa di droga di liga menor, despues di test positivo pa substancianan prohibi: catcher di Cincinnati, Edward Guzman; pitcher di Seattle, Kyle Hill; y outfielder di New York Mets, Ryan Shinn. Guzman y Hill a test positivo pa amphetamine y Shinn pa acido Ritalinico.

TIPS PA UN TEMPORADA DI CARNAVAL SANO PA TUR:

-  Mucha bou di 5 aña? No hib'e parada!
-  Sigura cu bo yiu tin un luga pa sinta y descansa.
-  Proteha e oido di bo yiu cu earplugs.
-  Hunta sunblock y pone bo yiu den sombra.
-  Semper tira bista riba bo yiu.
-  Duna bo yiu hopi awa y cuminda saludabel.

**PONE MI SIGURIDAD,
COMO PRIORIDAD.**

SCP
SOCIAL CRISTIAN

Chloe Farro cu medaya di brons den Copa UANA



ORANJESTAD (297sports) – Landado Chloe Farro a logra gana un medaya di brons den competencia Copa UANA na Lima, Peru.

Farro a keda na di tres luga den e Copa UANA pa 50m free, cu ayudo di su coach Ismael y su club Aruba Aquatics Federation. Esaki ta e prome medaya di Aruba den e campeonato aki na Peru, ya cu den pasado ningun landado Arubiano a logra conkista un medaya na e competencia Copa UANA.

Josielienne Boekhoudt ta gana torneo internacional di tennis di mesa



ORANJESTAD (297sports) – Josielienne Boekhoudt di Aruba a titula campeon den Copa Davelaar Open, cu a tuma luga na nos ruman isla Corsou. Aruba tabata bon representa den e Copa Davelaar Open. Den Categoria Open masculino, Dimitri Leon di Corsou ta e titula

campeon y Chingho Chung di Aruba a keda na di dos luga.

Den Categoria Damas, Josielienne Boekhoudt di Aruba ta logra bay cu e titulo maximo despues di vence un hungado Hulandes den e gran final.

Alejandro Claro y Joshua Simon a topa otro den baseball colegial na Merca



ORANJESTAD (297sports) – E dos peloteronan Arubiano, Joshua Simon y Alejandro Claro ta bishita diferente college na Merca y awe diasabra e dos scolnan a enfrenta otro.

Claro (catcher) ta hunga den North central Mississippi College mientras Simon (pitcher) ta hunga den State Fair Community College.

Na final no por a falta un potret hunto cu e bandera di Aruba cu ambos orguyosamente ta representa den exterior.

Aunke asina leu for di Aruba cu un comunidad di baseball asina chikito, pero sigur orguyoso di por enfrenta otro den un pais unda miyones ta practica e deporte di baseball.

Minister di Finanzas:

Proyectonan PPP ta un peso grandi riba presupuesto di pais Aruba



ORANJESTAD – Recientemente Minister di Finanzas a brinda un spli-cacion tocante di peso di e Proyectonan Public Private Partnership (PPP) riba e presupuesto di Pais Aruba.

Proyectonan PPP


Actualmente Pais Aruba conoce 8 proyecto di PPP, cual ta e edificio di Belfin cu ta hospeda Departamento di Impuesto y Departamento di Finanzas, e edificio di Infra cu ta hospeda DOW, DIP y Kadaster, e Centro di Husticia na Macu-arima, e edificio di Polis na Shaba, e edificionan di MFA na Noord, na Savaneta y na Sta. Cruz, e edificio di Hospital, Green Corridor y Watty Vos Boulevard. Di tur e proyectonan PPP, Hospital, Green Corridor y Watty Vos Boulevard ta e tres proyectonan cu mas ta costa y ta pisa riba presupuesto di Pais Aruba. Den año 2020 nos lo mester paga 82 miyon na e proyectonan PPP, cual ta 20 miyon mas cu a ser paga den año 2019. Di e 82 miyon florin aki di gasto di PPP, 70 miyon ta bay pa paga pa e proyectonan di Hospital, Green Corridor y Watty Vos Boulevard.

Watty Vos Boulevard tin mas riesgo financiero

Recientemente Controlaria General di Aruba (ARA) a haci un investigacion riba e proyectonan PPP y a resalta e hecho cu e proyecto di Watty Vos Boulevard tin mas riesgo financiero compara cu otro proyecto PPP. Den e contrato a wor-do concorda cu asina Pais Aruba perde credibilidad financiero, pues si e rating di Pais Aruba baha, Gobierno lo mester paga esunnan cu a desaroya e proyecto aki na un forma mas acelera. Esaki lo crea un peso financiero mas grandi ainda pa Pueblo di Aruba y ta debilita e situacion financiero di Aruba. Tipo di contra-tonan asina ta trece mas riesgo financiero pa nos Pais y p'esey ta di lamenta cu te awor e riesgonan aki ta bira conoci.

Maneho financiero prudente pa maneha gasto di PPP

E gasto di e proyectonan PPP lo keda pisa riba Presupuesto di Pais Aruba te cu año 2044. Mirando e riesgo financiero di algun PPP, ta importante pa Gabinete Wever-Croes y tur otro Gobierno di turno hiba un maneho financiero prudente pa evita perde credibilidad financiero y pone mas peso financiero riba presu-puesto y Pueblo di Aruba.



Premier Evelyn Wever-Croes:

Aruba lo bin cu votacion digital solamente si e ta safe



ORANJESTAD – Recientemente Parlamentario di AVP, Arthur Dowers a cuestiona decision di 6 luna pasa di Gobierno pa Aru-ba pa bay over na votacion digital ya pa e siguiente eleccion. Gobierno a anuncia esaki na augustus año pasa. Mes momento Gobierno a informa Parlamento y a invita Parlamento pa duna su pensamiento riba esaki. Sinembargo, oposicion a keda 6 luna keto y awor kier bruha tera y sembra panico.

“Piensa el ladron que todos son de su condicion”, ta un dicho na spaño cu ta pas net bon pa Parlamento Dowers cu su bruhamiento di tera atrobe.

Riba esaki Premier Evelyn Wever-Croes a reacciona breve y a bisa cu e ta bay pidi expertonan pa duna mas informacion riba e tema, pasobra e mes no ta involvi den esaki. E ta den man di expertonan cu ta traha na forma transparente y integro.

Premier a recorda si cu e decision pa bay over na votacion digital ta pa garantisar transparencia y pa evita cualkier tipo di fraude, pues si tin un duda den e sistema, e no lo bay door.

Tambe Premier a recorda tur hende cu locual a conduci na e proposi-cion aki ta hustamente e metemento politico pa partido AVP den elec-cion 2017. Tempo cu Dowers tabata Minister, e tabata menasa auto-ridadnan electoral cu e lo prohibi Polis mantene orden si nan no haci locual partido AVP kier.

Tambe ta importante pa recorda tur hende cu partido AVP a maluzar informacion priva di ambtenaar pa manda carta politico di e partido, violando asina un cantidad di ley. Esaki y mas ta expone den un rapport cu Premier a entrega na Parlamento na augustus di año pasa, infor-mando Parlamento di e cambionan proponi.

“Nos lo no bay over na ningun sistema cu por duna espacio pa fraude, ni hacking. Pero nos lo no sigui cu e sistema tampoco cu partido AVP a abusa y maluzar durante cu nan tabata den Gobierno. Pueblo di Aruba merece un procedura electoral transparente y integro y nos lo brinda pueblo esey, sea ta digital of manual of un combinacion di ambos”, Premier Evelyn Wever-Croes a duna di conoce.

Parlamentario Rocco Tjon (MEP):

‘Huez ta dicta cu acusacionnan di Sevinger contra Tjon ta falso’




ORANJESTAD – Manera ta conoci na final di aña pasa Sevinger durante un conferencia di prensa lo a trece acusacionnan padilanti contra mi persona. E acusacionnan aki tawata regarda mi yiu caminda cu Benny Sevinger a yama mi pa pedofiel y e hecho cu mi lo a supuestamente gaña pa por a bira director di KIA.

Despues cu mi a entama un caso contra Benny Sevinger, awe hues a duna mi razon.

Den su sentencia hues ta bisa cu Benny Sevinger a actua ‘onrechtmatig’ contra mi persona y cu su expresionnan ta falso. Literalmente hues ta bisa cu mi persona a haya razon pasobra e acusacionnan di Benny Sevinger contra mi persona ta falso!

Un copia di e sentencia mi a manda caba pa prensa. Otro siman lo mi elabora riba e sentencia y duna un splicacion amplio riba su contenido pa pueblo ta debidamente informa y asina haya sa e tipo di politica cu Benny Sevinger ta para pe y practica.

Nota di redaccion: E copia completo di e sentencia ta disponibel riba nos website bondia.com.



Parlamentario Richard Arends (AVP):

Gobierno a usa Parlamento pa desvia atencion pa medidanan na caminda

ORANJESTAD – Ya mas cu mita di luna di februari ta tras di lomba y ainda Parlamento no a haya e leyman di e reforma fiscal ni tampoco presupuesto 2020. Ta for di prensa miembronan di Parlamento a compromete cu esakinan lo wordo trata den luna di maart. Mientrastanto pueblo y comercio ta sigui den un incertidumbre riba loke ta spera nan pa resto di aña.

“Sinembargo en vez cu Gobierno bin duna splicacion e embergadura di e 13 leyman cu mester wordo cambia bou capa di reforma fiscal, Parlamento a opta pa yama un reunion riba rapportnan cu ta dos aña caba den lachi di Parlamento sin a invita Algemene Rekenkamer – e autor di e estudionan aki – pa bin duna un splicacion riba nan.”

Rekenkamer a conclui cu e suministro y maneho di



contrato nan pa loke ta trata e proyectonan PPP tabata na ordo, mientras cu e actual minister encarga cu Finanzas a nenga di duna su comentario riba dje. “Pa loke ta trata e proyectonan aki, Gobierno anterior a wordo guia den e proceso aki door di Rijkswaterstaat di Hulanda y PriceWaterhouse Coopers cu a lidera e transaccionnan aki,” Arends a muestra.

Arends ta sigui bisa cu proyectonan aki ta wordo financia internacionalmente, pues argumentonan treci dilanti pa partidonan den coalicion ta totalmente infunda. “Nacionan Uni a hasta establece un Centre of Excellence akinan na Aruba cu lo a exporta e formula aki pa otro islanan chikito y den desaroyo.

E sistema unda un consorcio

ta diseña, financia, construi, maneha, opera y mantene a prueba di ta e miho manera pa paisnan y islanan chikito logra proyectonan grandi riba tereno di infraestructura y desaroyo urbano.”

Pa loke ta trata e proyectonan investiga den e rapport di BoAruba, por bisa cu mayoria di nan tabata ta como ‘prefunded’, es decir, cu tabata tin fondonan disponible pa nan di antemano. “E proyectonan aki a wordo cubri door di presupuesto, TPEF y FDA unda hunto cu Hulanda a re-aloca 200 miyon di florin pa revitalisacion di nos centro di ciudad. Ambos proyectonan tabata forma parti di e Plan di Inversion di Gabinetenan Mike Eman cu fin di crea cupo di trabou, mehora calidad di nos infraestructura y ciudadnan y tambe jump start nos economia despues di e recesion cu a dura te 2010.

Segun Arends, e dos rap-

portnan cu tabata al caso pa atende tabata esun di maneho di subsidio y esun di overtime. E recomendacionan di Rekenkamer lo contribui di manera structural pa aumenta eficiencia y reduci gastonan di aparato gubernamental.

Tanto CAFT (oktober 2019), IMF (november 2019) y Rekenkamer (januari 2020) a saca nan conclusionnan riba e causanan di overtime den Gobierno y con pa contraresta esaki. “Te dia di awe no a splica kico lo haci pa reduci esaki di un manera structural.”

Arends ta conclui bisando cu no tabata mucho cla kico meta di e reunion di siman pasa tabata y unico splicacion tabata cu esaki tabata un reunion meramente politico unda esunnan cu ta den gobierno awor tira tur culpa riba Gobierno anterior pa nan falta di conocimiento y capacidad di goberna y hiba un maneho coherente.

Parlamentario Edgard Vrolijk (MEP):

‘Ora wak bek casi tur proyecto PPP a ser haci na un manera di fia y despues wak con lo paga’



ORANJESTAD – Recientemente nos a trata e investigacion di proyectonan ehecuta bao di Gabinete Eman 1 y 2 cu a hiba como titulo: “Bo Aruba”. Cu e investigacion aki Algemene Rekenkamer kier a manda futuro gobiernonan y tambe parlamento di Aruba e mensahe cu pa futuro cercano tin aspectonan cu mester tene cuenta cune y cu no mag pasa mas ya cu no por endeuda pueblo cu proyectonan cu no tin cobertura financiero.

Y un aspecto cu tambe a resalta ta cu e parti di transparencia den proyectonan ta esencial pasobra locual a pasa di 2009 pa 2017 tabata parce cu parlamento tabata reuni solamente pa sostene un gobierno, pero hamas a ser informa debidamente di e riesgo financiero pa Aruba haciendo e proyectonan aki.

Lo mas resaltante di e investigacion

BO ARUBA tabata un proyecto cu lo mester a costa pueblo di Aruba no menos cu 1.6 biyon florin y unda cu e PPP proyectonan manera Hospital, Green Corridor, Watty Vos Boulevard y edificionan di MFA y algun otro

proyecto mas di embebecimiento di Aruba a causa un daño grandi na nos pais. Lo mas resaltante di e investigacion aki ta cu hopi proyecto a ser haci sin nan tabatin un projectdossier (niun planificacion) na ordo.

Pues tabata carece di un plan y na ki forma e proyecto aki lo yuda pa resolve un problema den comunidad. Y tabata carece un evaluacion di cada proyecto pa wak si esaki a sirbi su meta. Pero lo mas resaltante tabata cu no por haya den casi ningun

proyecto ta con lo yega na e fondonan pa e proyecto y con lo mester mantene e proyectonan aki cu ta uno hopi importante. Ora bo bay wak bek cu casi tur e proyectonan aki a ser haci na un manera di fia y despues wak con lo paga. Ehempel di esaki ta e proyectonan PPP y e MFA unda cu a fia pa traha esakinan y nunca a traha e cuadro financiero con lo mester paga esakinan. Awe e pueblo ta mara na e proyectonan aki cu lo mester paga 82.4 miyon florin tur aña y te cu aña 2044. Y lo mas tristo ta e ehempel di e MFA-

nan unda a fia pa 5 edificio di MFA pero na final a traha 4 pero pueblo tin di paga te cu 2044 pa e ehecucion di 4 edificio.

Otro ehempel ta e Hospital cu a ser traha sin operatie kamer, boiler di diesel paden di edificio y tambe manera awa yobe tur pashent ta cuminsa resa pa nan no ser benta pa awa pafo di edificio manera a pasa recientemente.

Benny Sevinger no a ‘give a damn’

Algo cu a resalta ta e falta di respet di ex Minister Benny Sevinger na e organo di Algemene Rekenkamer cu ta un organo independiente di Parlamento. Unda cu a manda pidi e ex Minister aki pa bin duna cuenta pero el a opta pa no bin duna cuenta y riba dje lamentablemente e ex Prome Minister Mike Eman no a percura pa Algemene Rekenkamer tabatin suficiente miembro pa por tin quorum cu consecuencia cu e rapport aki no por a ser publica prome cu eleccion 2017. Pero p’ami ta keda e incertidumbre cu maske no tin miembronan pa tin quorum, si no a informa parlamento di Aruba cu e ex Minister aki no kier bin duna cuenta pasobra Algemene Rekenkamer ta traha pa Parlamento di Aruba. Hecho ta cu den nos constitucion Minister tin di responsabilisa su mes na parlamento y tabata deber di un parlamento cu ta sirbi pueblo manera debe ser, pa yama e minister aki en cuestion y existi’e pa e por duna cuenta na Algemene Rekenkamer. Den di dos tanda di e reunion

di Parlamento na momento cu esaki reanuda un biaha mas lo mi elabora riba esaki pasobra den e prome tanda mi no a haya e contesta deseada riba e aspecto si a informa parlamento debidamente.

Wie zwijgt stemt toe

Por a tuma nota di e parlamento independiente Daphne Lejuez den prensa su opinion di e investigacion di Algemene Rekenkamer yama “Bo Aruba”. Pero durante reunion unda cu a ser spera cu e lo vocifera su mes contra e practica di ex Minister Benny Sevinger el a opta pa pasa henter e reunion ta dialoga cu Richard Arends cu ta culpabel di e maneho desastroso financiero di pais Aruba y niun rato so a expresa su mes y e manera ameno di dialoga cu fraccion di AVP ta duna mas y mas e impresion cu a horta e asiento di MEP pa e por uni su mes na AVP. Y mas y mas ta resona den mi mente e mainta prome cu el a horta MEP su asiento e manera con Parlamentario ‘Independiente’ Daphne Lejuez a defende Benny Sevinger cu alma y cuerpo cu como parlamento no por sanciona su persona di representa Aruba den exterior y e manera con a para pa tur maldad di Benny Sevinger dia pa dia pueblo ta comprende e set up di e parlamento aki. Tristo pa wak con un persona cu mi mes a pensa di lo ta e banda di combati corrupcion y abuso di placa di pueblo, awe ta para firma y ta defende interes di Benny Sevinger en vez di para fuerte pa caba cu e tipo di actonan aki.



Premier Evelyn Wever-Croes: Aruba mester cuminsa paga e gastonan di PPP 82.4 miyon florin pa aña te na aña 2044



ORANJESTAD – Den e ultimo dianan aki tin hopi comentario den comunidad tocante e topico di e proyectonan PPP (Private Public Partnership). E motibo pa cu esaki ta cu Aruba ta yegando na e punto culminante di e suma cu Aruba mester paga bek na e proyectonan PPP.

E proyectonan aki a ser realisa pa e gobierno anterior cu no tawata tin e fondo pa construi edificionan gubernamental y a tuma e decision descabeya pa bay den un acuerdo di PPP. E acuerdo aki ta stipula cu un otro persona lo construi e edificionan aki, duna gobierno e yabi y gobierno lo cuminsa paga despues cada aña un suma pa haci uzo di e edificionan aki sin cu e edificio ta bira propiedad di gobierno.

Prome cu gobierno anterior a tuma over na aña 2009, ya caba tawata tin proyectonan PPP entre otro; Belfin gebouw, e edificio di Financien y Belasting; e edificio di Infra; edificio di Centro di Justicia; y e oficina di Polis na Shaba. Pa aña Aruba tawata paga 7.9 miyon florin pa tur e 4 edificionan aki hunto, cu ta edificionan relativamente grandi. Esaki, ta un bon prijs compara cu e total di gasto cu gobierno tawata paga na huur pa e departamentonan aki.

E aña aki, aña 2020, Aruba ta bay paga 82.4 miyon florin na proyectonan PPP, cu ta un aumento drastico. E acuerdonan di proyectonan PPP cu AVP a cera durante nan gobernacion, ta encera e 4 edificionan di MFA, Watty Vos Boulevard, Hospital y Green Corridor. E debe gigantesco aki ta core te cu aña 2044 y lo mester wordo paga


door di nos yiunan, nan yiunan y e futuro generacion.

E suma di e MFAnan ta costa Aruba 2.7 miyon florin pa aña na huur cu ta un suma hopi halto compara cu e huur pa e huldbestuurskantoornan cu no tawata yega ni 100 mil florin. Hospital ta costa 30.6 miyon florin pa aña, Green Corridor ta costa 17 miyon florin pa aña y na Watty Vos Boulevard Aruba ta paga 22.9 miyon florin pa aña pa un total di 82.4 miyon florin pa aña.

Ta di lamenta cu e forma di financia e proyectonan cu gobierno anterior a haci ta bay pisa te na aña 2044 riba e presupuesto di Aruba. Gobierno actual a hereda e situacion aki sin por a cambia nada mas ya cu tur e 4 proyectonan aki tawata comprometi caba y Aruba ta obliga pa paga e suma di 82.4 miyon florin. Pio di e proyectonan aki ta, cu e gobierno anterior no a presupuesto esaki den presupuesto y e unico opcion cu a keda ta pa e gobierno actual percura pa tin fondo disponibel pa por paga e proyectonan aki.

Gobierno a percura pa esakinan wordo paga no solamente door di e entrada di impuesto cu gobierno a bin cu nan, cu no ta suficiente pa paga e 82.4 miyon florin plus tur otro debe, pero Gobierno a bin cu un combinacion di aumento di impuesto y otro fuente di entrada pa asina no tin e peso riba e comunidad di Aruba.

“E realidad ta cu debi na e mal maneho irresponsabel di Gabinete Mike Eman, nos generacion, nos yiunan y nan yiunan, te na aña 2044 mester bay paga e debe aki di 82.4 miyon florin pa aña.



Directie Financien

11 april 2016

Pero un cos ta sigur tambe, Gabinete Wever-Croes no ta esun cu a causa e problemanan financiero aki, pero nos ta soluciona nan si. Y nos ta buscando solucionnan cu no ta pisa asina tanto riba nos pueblo, pero ta buscando otro fuente di entrada pa paga e debenan halto aki cu e gobierno di Mike Eman a ocasiona”, Prome Minister Evelyn Wever-Croes a expresa.



Parokia “Inmaculada Concepcion” Santa Cruz: Invitacion pa Diaranson di Shinishi y Caminda di Cruz

ORANJESTAD – Diaranson, dia 26 di februari temporada di Cuaresma ta cuminsa. Pastor Jairo Maduro y Pader Jose Nava ta invita tur fielnan pa asisti na Santo Sacrificio di Misa riba “Diaranson di Shinishi”.

Lo tin dos oportunidad pa fielnan asisti na Santo Sacrificio di Misa y busca shinishi, esta 5:00 di marduga y 7or di anochi.

Ta recorda tur fielnan cu “Diaranson di Shinishi” y “Diabierna Santo” ta dianan di ayuno y abstinencia o sea cu riba e dianan aki ta taha pa come carni y mas di un cuminda completo.

Otro diabierna den Cuaresma ta ser observa como dianan di ayuno.

Durante Cuaresma ta invita un y tur pa asisti na Caminda di Cruz y pa cumpli cu esaki mas tanto posibel parokia di Santa Cruz ta ofrece mas cu un oportunidad:
Tur diabierna: 6:00pm den



Misa sigui pa Santo Sacrificio di Misa pa 7:00pm.

Tur diasabra: 7:00am den Ser’i Noka.

Tur diadomingo: 3:00pm den Ser’i Noka.

Ser’i Noka ta na ordo pa scolnan, gruponan di oracion, organisacion social of famianan

cu ta desea di haci un Caminda di Cruz riba otro dia of ora.

Durante Cuaresma, Iglesia ta urgi su fielnan pa cumpli cu disciplina di ayuno, haci obranan di caridad na prohibo y oracion como preparacion pa celebracion di Pasco di Resurreccion.

Trekkinglijst van de Landsloterij

4de Trekking

20 februari 2020

-----	1892	200	3792	125	5999	100	8440	150	10592	125	12779	150	14899	150	17095	150	19405	150	21299	100	23305	150	25505	150	27632	150	29799	100	31892	200	DUIZEND				
EEN	1898	150	3799	150			8446	150	10599	100	12789	150	14905	150	17099	100	19424	150	21305	150	23325	150	25516	150	27642	150	29805	150	31899	150	-----				
HEDEN	1899	150	3805	150	ZES		8492	125	10605	500	12792	125	14910	150	17105	150	19453	150	21332	150	23373	150	25541	150	27690	150	29815	150	31905	150	34005	150			
-----	1903	150	3831	150	DUIZEND		8499	100	10648	150	12799	100	14956	150	17124	150	19458	150	21351	150	23388	150	25544	150	27692	125	29889	150	31908	150	34030	150			
150	1902	150	3835	150	6499	100	8505	150	10692	150	12816	150	14971	150	17152	150	19479	150	21369	100	23391	150	25592	125	27699	100	29892	150	31909	150	34042	150			
150	1933	150	3866	150	6005	150	8513	150	10699	100	12811	150	14974	150	17161	150	19492	125	21399	100	23392	125	25599	100	27705	150	29899	150	31939	150	34055	150			
-----	1942	150	3886	150	6022	150	8528	150	10699	150	12818	150	14992	125	17172	150	19499	100	21405	150	23399	100	25605	250	27719	150	29905	150	31967	150	34064	150			
TALLEN	1946	150	3892	200	6092	125	8543	150	10705	150	12886	150	14998	150	17184	150	19504	150	21421	150	23405	150	25613	150	27737	150	29938	150	31976	150	34092	125			
-----	1964	150	3899	150	6092	150	8546	150	10726	150	12892	200	14999	100	17192	125	19505	150	21464	150	23430	150	25644	150	27739	150	29955	150	31992	125	34099	100			
150	1969	150	3905	150	6099	100	8553	150	10729	150	12899	250	15000	150	17199	100	19506	150	21492	125	23433	150	25648	150	27754	150	29972	150	31999	100	34105	150			
46	150	1975	150	3922	150	6105	150	8561	150	10740	150	12905	150	14998	150	17205	150	19522	150	21499	100	23458	150	25656	150	27767	150	29992	125	-----	34119	150			
87	150	1992	125	3959	150	6108	150	8583	150	10774	150	12917	150	DUIZEND		17223	150	19550	150	21505	150	23492	125	25690	150	27775	150	29999	100	TWEE EN	34159	150			
92	125	1999	100	3992	125	6114	150	8592	125	10792	125	12931	150	-----		17268	150	19574	150	21511	150	23499	100	25692	125	27792	125	-----	DUERTIG	34165	150				
-----	2005	150	3999	100	6192	125	8599	125	10798	150	12963	150	15008	150	17275	150	19584	150	21515	150	23504	150	25699	100	27799	100	29999	100	DUERTIG	DUIZEND	34167	150			
TIEN	2006	150	4000	150	6199	100	8605	150	10799	100	12969	150	15009	100	17297	150	19590	150	21542	150	23505	150	25705	150	27805	150	29999	100	DUERTIG	DUIZEND	34184	150			
-----	2014	150	4026	150	6392	125	8629	150	10799	150	12999	100	15041	150	17294	150	19592	125	21566	150	23506	150	25724	150	27812	150	29999	100	-----	32005	150	34187	150		
-----	2020	150	4035	150	6395	150	8635	150	10801	150	13000	150	15042	150	17299	100	19599	100	21584	150	23523	150	25744	150	27865	150	29999	100	30005	150	32025	150	34192	125	
99	100	2004	150	4037	150	6399	100	8655	150	10805	150	13005	150	15092	125	17305	150	19605	250	21592	125	23526	150	25746	150	27875	150	30008	150	32043	150	34199	100		
-----	2037	150	4042	150	6398	150	8659	125	10852	150	13009	100	15105	150	17356	150	19620	150	21599	100	23592	125	25779	150	27892	200	30092	125	32092	125	34210	150	34205	150	
TALLEN	2091	150	4026	150	6392	125	8699	100	10866	150	13005	150	15157	150	17392	125	19630	150	21605	250	23599	100	25792	125	27899	150	30099	100	32099	100	34231	150	34289	150	
-----	2092	125	4037	150	6399	100	8700	150	10892	200	13029	150	15190	150	17399	100	19640	150	21613	150	23605	250	25793	150	27905	150	30105	150	32105	150	34289	150	34292	125	
105	150	2099	100	4062	150	6405	150	8705	150	10899	150	13092	125	15192	125	17405	150	19651	150	21623	150	23623	150	25799	100	27922	125	30188	150	32192	125	34292	125	34299	100
126	150	2105	150	4092	125	6408	150	8705	150	10905	150	13099	100	15199	100	17492	125	19672	150	21632	150	23633	150	25802	150	27996	150	30192	125	32199	100	34299	100	34300	150
167	150	2134	150	4099	150	6423	150	8708	150	10954	150	13105	150	15205	150	17499	100	19692	125	21639	150	23678	150	25805	150	27999	100	30199	100	32205	150	34305	150	34310	150
173	150	2149	150	4105	150	6427	150	8776	150	10967	150	13109	150	15214	150	17505	150	19699	100	21646	150	23685	150	25820	150	27999	100	30200	150	32256	150	34334	150	34340	150
190	150	2155	150	4122	150	6432	150	8785	150	10992	125	13141	150	15259	150	17508	150	19705	150	21692	125	23692	125	25838	150	27999	100	30205	150	32262	150	34392	125	34399	150
192	125	2177	150	4128	150	6492	125	8792	125	10993	150	13174	150	15292	125	17516	150	19727	150	21692	150	23699	100	25892	200	27999	100	30247	150	32264	150	34396	150	34400	150
199	100	2199	100	4151	150	6505	150	8799	100	11000	150	13192	125	15299	150	17539	150	19768	500	21705	150	23744	150	25905	150	27999	100	30281	150	32284	150	34405	150	34410	150
205	150	2200	150	4192	125	6533	150	8802	150	ELF		13193	150	15303	150	17551	150	19792	125	21756	150	23758	150	25905	150	27999	100	30292	125	32292	125	34465	150	34470	150
222	150	2205	150	4199	100	6549	150	8805	150	DUIZEND		13199	100	15305	150	17570	150	19799	100	21776	150	23783	150	25909	150	27999	100	30299	100	32299	100	34492	125	34499	150
223	150	2207	150	4205	150	6553	150	8825	150	11005	150	13201	150	15313	150	17581	150	19801	150	21792	150	23792	125	25912	150	27999	100	30302	150	32302	150	34500	150	34505	150
242	125	2228	150	4239	100	6592	125	8842	150	11005	150	13202	150	15315	150	17585	150	19805	150	21796	150	23799	100	25916	150	27999	100	30306	150	32306	150	34506	150	34511	150
234	150	2238	150	4266	150	6599	100	8892	200	11018	150	13226	150	15338	150	17599	100	19805	150	21799	100	23805	150	25992	125	27999	100	30392	125	32348	150	34551	150	34556	150
247	150	2276	150	4269	150	6605	250	8899	150	11023	150	13235	150	15359	150	17605	250	19814	150	21805	150	23861	150	25993	150	27999	100	30399	100	32363	150	34570	150	34575	150
256	150	2290	150	4275	150	6679	150	8905	150	11048	150	13260	150	15361	150	17624	150	19820	1000	21814	150	23865	150	25999	100	27999	100	30405	150	32392	125	34592	125	34597	150
261	150	2298	125	4299	150	6692	200	8909	150	11049	150	13262	150	15362	150	17625	150	19821	150	21815	150	23866	150	25999	100	27999	100	30406	150	32393	125	34593	150	34598	150
288	150	2299	100	4299	100	6692	125	8992	150	11092	125	13299	100	15377	150	17692	125	19835	150	21837	150	23899	100	25999	100	27999	100	30408	150	32405	150	34599	100	34600	150
291	150	2305	150	4305	150	6698	150	8995	150	11099	100	13300	150	15392	125	17699	100	19858	150	21861	150	23899	150	25999	100	27999	100	30443	150	32415	150	34605	250	34610	150
292	125	2310	150	4311	150	6699	100	8999	100	11101	150	13305	150	15399	100	17705	150	19890	375	21885	150	23905	150	25999	100	27999	100	30451	150	32447	150	34607	150	34612	150
295	150	2353	150	4321	150	6701	1																												



**Laga tur loke ta spera mi ta bunita
Laga tur locual cu mi encontra na
caminda ta bunita
Laga tur locual cu mi laga atras keda
bunita y
Laga esakinan termina den tur
buniteza.
Cado Wever.**

**Cu dolor na nos curason, nos ta
anuncia fayecimento di nos ser stima:**



Hose Patricio Tromp

Mihor conoci como 'Jo'
***17-03-60 - †17-02-2020**

Na nomber di su:

Rumannan:

Filomena (Ina) Christiaans-Tromp y
Jacintho Christiaans
Engelberto Aquiles (killy) Tromp y Astrid
Tromp-Hoek
Juan Gualberto Tromp
Jaime Fernando Tromp (Jimmy) y
Evelinda Tromp-Croes

Tantanen/omo: Dora, Jose, Nora, Dina,
Mena y Len

Subrino(a) nan

Primo(a) nan

Iha: Andrew Lejuez

Bon bisninan: Deta, Chiel, Alida y Dora

Demas famia: Tromp, Ridderstaat, Giel,
Christiaans, Trimon, Kelly, Hoek, Gil,
Croes, Vrolijk, Lejuez y demas famianan,
ex coleganan ALBO y ex coleganan di Ssr
Supreme Security Ranger NV.

**Ta invita pa acto di entierro cual lo
tuma lugar na Aurora Funeral Home
diamars 25 di februari 2020 di 9or pa
11or di mainta. Despues lo sali pa
Santana Centraal Sabana Basora.**

**Disculpa nos pero despues di entierro
nos no ta ricibi bishita di condolencia
na cas.**



Psalms 23.4.

**“Even though I walk through the valley of the
shadow of death. I will fear no evil for you are
with me, your rod and your staff, they comfort
me”**

**Cu inmenso dolor na mi curason mi ta anuncia
fayecimento tragico di mi yiu, ruman, tata y
omo stima:**



~Michelangelo Joshua Geerman~

mihor conoci come Angelo, Telo, Teloman.
Na edad di 28 aña.
***9 december 1991 - †10 february 2020**

Na nomber di su:

Mama: Joselyne (Joyce) Tromp
Tata: Miguelito (Geechi) Geerman
Manera un tata: Wilfrido (Willy) Giel
Yiu cu e la stima: Yalexander Geerman

Ruman nan: Alexander (Achi) y Ginoushka
Cristian (Kleine)
Jonathan (Johnny) y Emiziene
Trevor (Chucky)

Primo manera ruman: Gabriel (Gaby)

Sobrino stima: Jahson Geerman

Princes: Joziëne Geerman

Tanta y omo nan: Robertino (Robby) y Magaly
Ether (Ete) y Kenneth
Mildred (Dina) (Hulanda)
Maritza (Isha) y Safeek (USA)
Lisette (Lili)
Claudette (Coya) y Ricardo (Kado)
Judith (Day) y Narshell
Juan y Claudia
Nelson y Leila

Padrino: Urbano Jr. Perez (Juni)

Su madrina: Ludwina Semeleer

Wela(o) nan: †Servinio y †Modesta Tromp
†Juan y Margo Geerman
Felicia (Mena) Perez y Jos Dirksz

Primo(a) nan: Derwin, Silvhyanne, Rose-Mary,
Julie-Anne, Christine, Jean-Pierre,
Shawn, Samantha, Zack, Gabriel, Daisy-
Anne, Calvin, Chastity, Jamilla, Roger, Samir,
Fergimar, Danielle, Daribelle, Javier.

Mama di su yiu: Yalejandra Tromp

Miho amiga: Lulu

Tanta grandi stima: Manuelita Henriquez

Amigo(a) nan: Mucho hopi pa menshona.

Demas famia: Tromp, Geerman, Giel, Henriquez,
Perez, Ohab, Kamp, Croes, Rozenberg, Koolman,
Wong, Lopez, Gibbs, Dirksz, Christiaans, Figaroa,
Briesen, Ridderstaat, Bergrok, Angela.

**Ta invita pa acto di condolencia y despedida cual
lo tuma lugar na Misa Sta Anna na Noord
diabierna 28 di februari 2020 di 2or pa 4or di
atardi. Cremacion lo tuma lugar despues.**

Enbez di flor y krans lo tin un box disponibel na
condolencia y Misa pa un bon cuasa.
Ta pidi pa bin na color Alegre.

Mi ta pidi disculpa si den tristeza a lubida di
menschona algun familiar of amistad.



Dios a puntrami
na unda mi kier bay
mi a bise: serca Bo mi Señor

Nos ta anuncia fayecimento di:



Maria Ildebrandina Duarte Cordeiro-de Freitas

***17-07-1929 - †17-02-2020**

Acto di entierro lo wordo anuncia despues.

“Señor ta mi wardador, mi’n tin falta di nada
Den cunucu di yerba berde e ta ponemi
sosega.

E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Juanita Leest-Werleman

***29-08-1934 - †20-02-2020**

Acto di entierro lo wordo anuncia despues.

“Bou di alanan di Dios mi
ta sigur”

**Abo ku ta biba bou di
amparo di Altisimo, ta
hospedá den sombra di
Dios Omnipotente, bisa
Señor:**

**“Mi refugio, mi forti, mi
Dios, den kende mi ta
pone mi konfiansa”
Salmo 91:1-2**



**Cu dolor na nos curason, nos ta anuncia
fayecimento di nos ser stima:**

Evel Andres Avelino Martha

Mihor conoci como 'Errol'
***10-11-1945 - †14-02-2020**

**Acto di despedida lo wordo
anuncia despues**



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 21 Feb 2020 Anochi

CATACHI
Sorteo # 7017
7792
7385
4911
BIG 4
Sorteo # 6061
6903
1OFF
Sorteo # 766
1564
ZODIAC
Sorteo # 4820
0150
Aries
KORSOU
Sorteo # 2680
8264
2421
7895

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	400.000,-

LOTTO DI DIA	04-07-13-27-28
Sorteo # 5040	Proximo Jackpot
0 x Jackpot	
9 x Match 4	109.000,-
242 x Afl. 8,00	

MINI MEGA	05-14-27-29
Sorteo # 1240	Mega Ball 11
0 x Jackpot	
0 x match 4	
1 x Afl. 500,00	
41 x Afl. 50,00	280.000,-
77 x Afl. 15,00	

MINI MEGA PLUS	Afl. 380.000,-
-----------------------	-----------------------



DIARIO 6541-0805-1443

SUPER 4 3426



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 21 Feb 2020 Merdia

CATACHI
Sorteo # 2836
6951
0089
2571
BIG 4
Sorteo # 2863
7774
1OFF
Sorteo # 892
4298
ZODIAC
Sorteo # 2836
0576
Cancer

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	400.000,-

LOTTO DI DIA	
Sorteo #	Proximo Jackpot
0 x Jackpot	
0 x Match 4	101.000,-
0 x Afl. 8,00	

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl. 50,00	270.000,-
0 x Afl. 15,00	

MINI MEGA PLUS	Afl. 370.000,-
-----------------------	-----------------------



Aries

Luna ta den bo aura : habri bo curason. Nan lo bay duna bo atencion. No keda keto cu bo sentimentonan. Habri bo curason y bisa tur loke bo ta sinti den bo. Bo numbernan di awe 13, 18, 22 y 36.



Tauro

Tene un actitud receptivo den tur momento. Ta imperativo pa bo mantene semper un actitud receptivo pa biba e aventura di lo desconoci ora nan crusa den bo caminda. Bo numbernan di awe 5, 12, 21 y 30.



Geminis

Lo bo supera un situacion cu bo a considera negativo. Si bo proyecta di manera optimista tur cos lo wordo supera di forma faborabel ya cu bo actitud tur cos por. Bo numbernan di awe 3, 28, 32 y 46.



Cancer

Lo bay surgi un encuentro inespera. Un persona special cu ta surgi den bo bida lo lanta den bo sentimentonan haya. Bo numbernan di awe 17, 21, 30 y 32.



Leo

Lo bo bay biba un momento hopi feliz den bo bida. Bo intuicion y condicionnan presente ta combina awe hopi bon den bo ambiente familiar. Bo numbernan di awe 2, 8, 12 y 26.



Virgo

No perde e oportunidad di reconcilia. Den amor, trabao y placa cada dia ta un reto diferente. Bo numbernan di awe 7, 13, 20 y 32.



Libra

E aspectonan planetario di Venus, ta converti den autoridad y ehecucion, pero cuida bo bida amoroso. Bo numbernan di awe 6, 14, 23 y 35.



Scorpio

Duna e prome paso. Lo bo conquista amor. E persona ey ta pensa riba bo y solamente bo tin cu duna e prome paso pa reconcilia. Ta momento pa revisa bo yunan. Bo numbernan di awe 2, 19, 27 y 33.



Sagittario

Tempo lo cura un herida di pasado. Bida ta cambio. Adapta bo ritmo y lo bo wak con tempo lo cura tur cos. Bo numbernan di awe 1, 19, 27 y 34.



Capricornio

Prome cu dicidi, pensa bon. No bay pura. Puntra si esey ta loke bo kier realmente. Bo number di awe 24, 31, 40 y 51.



Aquario

Lo bo disfruta bo bida sentimental cu mas naturalidad. Laga los di actitudnan desconfia y habri na amor cu mas normalidad spontaneo. Disfruta bida cu plenitud. Bo numbernan di awe 22, 30, 39 y 50.



Pisces

Bo panorama sentimental ta expandiendo den e ciclo di bo cumpleaños. Ta acercando un contacto cu lo stimula bo bida amoroso y lo yena bo di ilusion. Bo numbernan di awe 24, 31, 40 y 51.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Hende
Muhe den Dificultad**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Dokter na warda



Oranjestad

Hospital
7:00 pm / 10:00 pm

San Nicolas

Dr. Linden v/d
Imsan

Botica na warda

Oranjestad:

Central
Tel. 585 8077

San Nicolas:

Centro Medico
Tel. 584 5794

Servicio di Taxi

Aruba Transfer Tour & Taxi C.A.

Pos Abao #41
P.O. Box 723 Aruba
Tel: 582 2116 / 582 2010
Fax: 583 6988

Taxi Adres Services (24h)

L.G. Smith Blvd. #234
Oranjestad Aruba
Tel. 587 5900
Fax: 587 1928
E-mail: tas@setarnet.aw



A1 Taxi Services Aruba

Moko 56 T
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com

Schedule february 2020

			ARR	DEPT	BERTH
SAT	22	AIDAPERLA	08.00	18.00	C
TUE	25	EXPLORER OF THE SEAS	09.00	21.00	C
		NORWEGIAN EPIC	08.00	20.00	I
WED	26	MONARCH	06.30	15.30	B
		MEIN SCHIFF 2	07.30	20.00	C
THU	27	CARNIVAL HORIZON	08.00	16.00	B
		CARIBBEAN PRINCESS	08.00	22.00	C
FRI	28	ROTTERDAM	08.00	18.00	B
		MS SIRENA	11.00	23.00	C
SAT	29	OCEANIA RIVIERA	10.00	22.00	B
		ZUIDERDAM	13.00	23.00	C

EMERGENCIA

911

POLIS	
Oranjestad	100
San Nicolas	104
Santa Cruz	105
Noord	
107	
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	
913	
Seguridad Nacional	
11911	
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	
588-7364	
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	
583-8560	

UTILIDAD

Setar	117
Web	525-4600
Elmar	523-7147

Centrale Bank van Aruba

Daily Exchange Rates - 02/21/2020



CENTRALE BANK VAN ARUBA

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG ⁴	-	-	100.00
USD	1.77	1.78	1.80
CAD	1.32	1.34	1.36
CHF	181.17	181.89	182.69
GBP	2.23	2.28	2.34
JPY	157.91	159.35	160.95
EUR	190.69	192.43	194.37
DKK	24.78	25.50	26.30
NOK	18.08	18.80	19.60
SEK	17.16	17.88	18.68

For amounts up to Afl. 100,000

Acudi na oficina principal na Camacuri

Diasabra por paga impuesto di vehiculo di motor di año 2020

ORANJESTAD – Departamento di Impuesto ta participa na tur cliente cu mester paga impuesto di vehiculo di motor di año 2020, cu su seccion di Servicio di Caha na oficina principal na Camacuri, lo ta habri diasabra awor dia 22 di februari pa brinda extra servicio.

E orario di servicio ta: 9:00am – 12:00pm.



Riba diasabra lo brinda e siguiente servicionan:

1. Por paga impuesto di vehiculo di motor of otro tipo di impuesto.
 2. Registra auto.
 3. Entrega plach'i number di auto cu no ta den uzo.
 4. Busca recibo (esunnan cu a paga via banco).
- Mester remarca cu no por haci pago di permiso di DIMAS. E servicio riba diasabra ta unicamente pa haci pago di

impuesto. Ultimo dia pa haci pago di impuesto di vehiculo di motor di por lo menos e prome mita di año 2020, ta 28 di februari 2020.

Mirando cu esaki ta un temporada druk, Departamento di Impuesto ta haci un apelacion na tur cliente pa proba y haci uzo di e posibilidad pa paga online of di e servicio extra aki cu ta wordo ofreci riba diasabra y pa no warda te na ultimo.

Caribbean Cinemas
MORE VARIETY IN PROGRAMMING AND SHOWTIMES NOW WITH 14 SCREENS!

FEBRUARY 20-26

GISELLE
PBP SUNDAY, FEBRUARY 23, 1:00PM
KATIE HOLMES | CHRISTOPHER CONVERY

BRAHMS: THE BOY II
PH MON-FRI 6:40 | 8:50
SAT-SUN 2:20 | 4:30 | 6:40 | 8:50
PBP MON-THU 5:30 | 7:35 | 9:40
FRI 5:30 | 7:35 | 9:40 | 11:45
SAT 3:25 | 5:30 | 7:35 | 9:40 | 11:45
SUN 3:25 | 5:30 | 7:35 | 9:40

THE CALL OF THE WILD
HARRISON FORD | KAREN GILLAN
WITH SPANISH SUBTITLES
PH MON-THU 6:00 | 8:35
FRI 6:00 | 8:35 | 11:05
SAT 3:25 | 6:00 | 8:35 | 11:05
SUN 3:25 | 6:00 | 8:35
PBP MON-FRI 4:10 | 6:40 | 9:10
SAT-SUN 1:40 | 4:10 | 6:40 | 9:10

THE GENTLEMEN
MATTHEW MCCONAUGHEY | CHARLIE HUNNAM
PBP MON-FRI 4:05 | 6:40 | 9:15
SAT-SUN 1:30 | 4:05 | 6:40 | 9:15

EMMA.
ANYA TAYLOR-JOY | TANYA REYNOLDS
PH MON-FRI 6:00
SAT-SUN 3:20 | 6:00

BLUE STORY
STEPHEN ODUBOLA | MICHAEL WARD
PH MON-FRI 8:45
SAT-SUN 8:45 | 10:50

SONIC THE HEDGEHOG
JAMES MARSDEN | JIM CARRÉY
WITH SPANISH SUBTITLES
PH MON-THU 6:00 | 8:20
FRI 6:00 | 8:20 | 10:40
SAT 3:40 | 6:00 | 8:20 | 10:40
SUN 3:40 | 6:00 | 8:20
CXC MON-THU 5:40 | 8:00
FRI 5:40 | 8:00 | 10:20
SAT 3:20 | 5:40 | 8:00 | 10:20
SUN 3:20 | 5:40 | 8:00
PBP MON-THU 4:20 | 6:35 | 8:50
FRI 4:20 | 6:35 | 8:50 | 11:05
SAT 2:05 | 4:20 | 6:35 | 8:50 | 11:05
SUN 2:05 | 4:20 | 6:35 | 8:50
SPANISH
PBP MON-FRI 4:55 | 7:10
SAT-SUN 2:40 | 4:55 | 7:10

BAD BOYS FOR LIFE
WILL SMITH | MARTIN LAWRENCE
WITH SPANISH SUBTITLES
PH MON-THU 6:05 | 8:40
FRI 6:05 | 8:40 | 11:15
SAT 3:30 | 6:05 | 8:40 | 11:15
SUN 3:30 | 6:05 | 8:40
PBP MON-FRI 4:00 | 6:40 | 9:20
SAT-SUN 1:20 | 4:00 | 6:40 | 9:20

BIRDS OF PREY
MARGOT ROBBIE | MARY ELIZABETH WINSTED
WITH SPANISH SUBTITLES
PBP MON-THU & SUN 9:25
FRI-SAT 9:25 | 11:40

FANTASY ISLAND
LUCY HALE | MAGGIE Q
PBP MON-FRI 4:30 | 7:00 | 9:30
SAT-SUN 2:00 | 4:30 | 7:00 | 9:30

OPENING FEBRUARY 27: THE INVISIBLE MAN, THE DARE

THE MAGIC OF THE MOVIES ON YOUR MOBILE DEVICE

Download on the App Store GET IT ON Google Play

No ta permiti pa grill ariba e ruta di parada di Carnaval

ORANJESTAD – Segun Robby Rosel, Vocero di Bureau City Inspector ta splica cu no ta permiti pa usa grill ariba e ruta di carnaval cu ta tereno Publico.

Mirando cu kisas tin hende cu lo ta pensa di usa grill ariba ruta di carnaval nos kier a pone na nan conocimiento cu no ta permiti esaki, pa motibo cu e carbon ta dañá nos medio ambiente, esaki por laga sushi atras di carbon.

Si bo kier grill durante di e parada, por fabor usa un grill di gas no di carbon. Den number di BCI y DIP nos ta spera di haya cooperacion di nos carnavalistanan.

Y por ultimo nos kier a bolbe recorda cada uno cu a haya un kavel of cu ta ariba e ruta di carnaval pa por fabor no usa palet, corda sem-



per cu nos mester mantene nos carnaval bunita. No ta permiti pa corta mata ni usa carton ariba ruta. Den

number di Bureau City Inspector nos kier a desea henter pueblo di Aruba un dushi carnaval.

Pronostico di Tempo

Tempo:
Parcialmente nubia cu un awasero pasahero.

Temperatura maximo 31 grado Celsius.
Temperatura minimo 26 grado Celsius.

Bahada di solo: 6:47pm.
Subida di solo: 6:59am.

Biento:
For di direccion generalmente oost y modera te basta fuerte;
Forsa 4 te 5 (20 te 39 km/ora, 11 te 21 nudo).
Den dia fuerte te duro den rafaga;

Forsa 6 te 7 (40 te 61 km/ora, 22 te 33 nudo).

Situacion general di tempo:
Den proximo 24 ora aire relativamente seco lo dren ta den region local. Esaki lo pone cu e chensnan pa awasero lo bira menos. Pa e motibo aki no ta spera awasero di importancia. Mas aleu por bisa cu e area di presion halto riba Atlantico a debilita y debi na esaki biento tambe a baha un poco.

Condicionnan maritimmo/ estado di lama:
Un estado di lama modera



ta wordo spera pa proximo 24 ora. Olanan ta for di direccion oost cu haltura di 4 te localmente 7 pia na partinan oost te noordwest. Den curso di weekend esaki lo baha bira entre 3 pa 5 pia.

Aviso/ alerta: aunke cu e aviso pa boto chikito a keda cancela ta sugeri usarionan di lama y marineronan pa cherce cautela na e partinan oost te noordwest di costa y lama habri en general.

Beer ta drenta cura na suburbio di Los Angeles



MONROVIA, Calif. (AP) — Un beer a cana rond un suburbio di Los Angeles ayera, atrayendo hende curioso y medionan di comunicacion.

E beer relajadamente a cana riba caya y den cura di hende na Monrovia, cu ta situa na pia di Montaña San Gabriel. Departamento di Polis di Monrovia a bisa cu oficialnan tabata vigilando, y personal di departamento di Pesca y Bida Salvahe a ser yama na e bisindario.

Ta kere cu ta e mesun beer cu a mira un dia prome na Monrovia, unda no ta inusual pa

animalnan sali for di e bosque grandi cu ta riba e ciudad.

Website di e ciudad pa siguridad di beer ta nota cu beer ta sali di nan guarida di winter y bolbe e pia di e montaña buscando cuminda ora clima cuminsa keinta.


Usualmente esaki ta na spring, pero winter di Sur California ta hopi suave. Temperatura a aumenta na 26.6 Celsius den San Gabriel Valley diahuebs.

E beer bishitante mas famoso di Monrovia tabata Samson the Hot Tub Bear, kende a disfruta di pool den cura di casnan na añanan 1990. Eventualmente a mand'e bibab den Orange County Zoo.

NASA ta mira den cueba scur na Mars

MERCA (cnet) — Un imagen nobo di e astronave MRO (Mars Reconnaissance Orbiter) di NASA a manda un imagen straño, di un buraco grandi, of por ta un cueba, na e planeta cora.

E imagen, adkiri dia 24 di januari ultimo pa e HiRise camara di MRO, ta mostra un pit preto riba un superficie mas cla. Esaki a trece cune un pregunta: Kico tin scondi eybou den e scuridad profundo?



Team di HiRise na Universidad di Arizona a haci un

mehoracion di luminosidad riba e potret pa mira den e

abismo. “E suelo di e cueba ta parce di ta santo suave y ta baha den sur oriente”, co-investigado di HiRise, Ross Beyer a skirbi den un declaracion ayera.

“E speranza tabata pa determina si esaki tabata un cueba isola, of si ta un ‘skylight’ den un tunnel, hopi parecido na e skylights den tubo di lava di Hawaii.”

Cientificonan ta sospecha cu Mars ta cas di cuebanan volcanico, cu por ta destinacionnan fascinante pa rover

den futuro of exploradornan humano. Cuebanan manera esun cu MRO ta investigando por ta un porta na e mundonan bou tera aki.

Sinembargo, e cueba particular aki no ta entregando ningun di su secretonan ainda. “Obviamente nos no por mira ningun tunnel den e murayanan visibel, pero nan por ta den otro muraya cu no ta visibel”, Beyer a skirbi. Kico tin aden? Pa awo, esaki ta keda un misterio marsiano.

Casonan di COVID-19 na Italia cuadruplica den un dia



CODOGNO, Italia (AP) — E cantidad di hende na Italia infecta cu e virus nobo for di China a mas cu cuadruplica ayera, pa motivo di un ‘cluster’ di caso nort di e pais cu a causa cu oficialnan a cera scol, res-

taurant y negoshinan.

Hopi di e 14 caso nobo ta representa e prome infeccionnan na Italia adkiri a traves di contagio secundario, y a trece e total na e pais na 17. E cluster tabata ubica den un grupo di

pueblo chikito rond di Lodi, den region Lombardy, segun hefe di salud regional di Lombardy, Giulio Gallera. Minister di Salud Italiano, Roberto Speranza a bisa cu awo Italia ta mirando e mesun sorto di ‘cluster’ di caso

cu Alemania y Francia a mira. El a defende e medidanan di precaucion cu Italia a tuma anteriormente, notando cu Italia ta keda e unico pais Europeo cu a prohibi vuelo na y for di China, Hong Kong, Macau y Taiwan.

Respondiendo na e cluster, alcalde di Codogno a duna orden pa cera scol, edificio publico, restaurant y coffee shops. Ministerio di Salud Italiano a duna orden na cualkier persona cu tabatin contacto cu e prome tres persona cu a test positivo pa e virus, pa bay den cuarentena pa 14 dia.

Alrededor di 150 persona, incluyendo personal medico, tabata den isolacion ricibiendo test. Ministerio di Salud a conseha residentenan pa keda cas como un precaucion. Oficialnan local na otro pueblo, Casalpusterlengo, a duna orden pa cera scolnan local te cu diamars. Un di tres pueblo, unda un pareha

infecta ta bibab, Castiglione d’Adda, a bisa cu su biblioteca, oficina publico, gym y deposito di desperdicio lo ta cera como precaucion pa salud.

Hospital di Codogno a cera su sala di emergencia, y personal tabata bisti mascara mientras trahadonan a trece cama y mueblenan nobo mientras e cuarentena tabata cuminsa.

Hospital di malesa infeccioso di Roma actualmente ta cuidando otro tres persona infecta, incluyendo un pareha Chines for di Wuhan, y un Italiano kende awo ta test ‘persistentemente negativo’ pa e virus despues di dos siman di tratamiento anti-viral. A pesar di yamadonan pa salvaguardia, Italianonan tabata haya dificultad pa haya mascaranan pa protege nan cara. Un muestra di farmacianan na Milan a reporta cu a sell out varios siman pasa, igual na un farmacia na Codogno.

Aruba Convention Bureau cu hopi interes pa ‘incentive travel’ pa Aruba

ORANJESTAD – Recientemente, representanten di Aruba Convention Bureau (A.C.B.) cu ta forma parti di e ekipo dinamico di Aruba Tourism Authority (A.T.A.) a atende e prestigioso Society for Incentive Travel Excellence (SITE) Global Conference cu a tuma lugar na Vancouver, Canada. SITE Global Conference ta internacionalmente conoci como un magno evento caminda profesionalnan den e industria di biahe ta bini hunto pa elabora riba e futuro di loke ta trata e industria di biahe.

Desde aña 1973, SITE ta opera como un asociacion profesional cu ta dedica exclusivamente na e segmento di e industria di biahe conoci como ‘incentive travel’. ‘Incentive travel’ ta encera tur biahe cu ta wordo organisa pa gruponan grandi, entre otro negoshi y companianan, caminda e proposito principal di e biahe ta pa incentiva e trahadonan.

Sinembargo, ‘incentive travel’ ta e segmento di mas

grandi den e industria di Meetings, Incentives, Conventions and Events (MICE) cu den su totalidad ta representa un contribucion economico significativo pa e industria turistico riba nos isla. Pa e motibo aki e industria di MICE, incluyendo e segmento di ‘incentive travel’, ta uno sumamente lucrativo y importante pa A.T.A. Consecuentemente, A.T.A. a crea loke ta conoci awe como A.C.B., un departamento cu ta enfoca netamente riba e negoshi di MICE. Como parti di e negoshi di MICE, A.C.B. ta asisti y facilita biahenan pa Aruba pa gruponan of companianan cu kier, entre otro, incentiva nan trahadonan.

E tema di e SITE Global Conference pa aña 2020 ta ‘We are limitless’, representando e poder di biahe como e motivacion pa personanan rond di mundo haci uso di oportunidadnan pa conoce otro personanan, siña cosnan nobo y descubri luganan cu hama a wordo bishita. A.C.B. a atende e SITE Global Conference pa asina por keda na altura di desaroyonan tumando lugar den e

industria di biahe, especificamente ‘incentive travel’. Ademá, e conferencia anual aki tambe ta fungi como oportunidad pa miembronan di A.C.B. intercambia ideanan y ‘network’ cu socionan clave den e industria aki. Por a nota tambe cu companianan local ECO DMS y Fofoti Tours & Transfers tabata presente na e conferencia aki.

A.C.B. ta traha continuamente pa asina percura pa Aruba mantene un presencia fuerte den e industria lucrativo di MICE por medio di atende eventonan manera, entre otro, e SITE Global Conference. For di un estudio conduci pa A.T.A. a resulta cu 95.4% di participantenan cu a bishita Aruba como parti di e industria di MICE ta sea satisfecho of sumamente satisfecho cu nan experiencia durante nan bishita riba nos isla. Ademá, un total di 54.5% di participantenan a sigura cu nan lo bolbe bishita Aruba den futuro. Consecuentemente, conferencianan manera e SITE Global Conference ta importante pa miembronan di A.C.B. por colecta informacion valioso y comparti

esaki cu miembronan clave den e industria di MICE aki na Aruba pa asina sigui traha

pa mehora Aruba su posicion den e industria di MICE riba nivel internacional.



Advertorial

Durante e Kavel Decoration Contest

Sideliners a participa den Carnaval 66 cu Aruba Bank

ORANJESTAD – En conexion cu su di 95 aniversario, Aruba Bank a anuncia su kavel decoration contest.

E banco comercial pionero a invita comunidad pa uni na e gran celebracion aki, door di participa den nan “Kavel Decoration Contest”.

E meta di e contest ta pa promove nos cultura y crea union den pueblo. Numeroso famia y amistad a uni y a demostra nan creatividad

durante e periodo di Carnaval 66, cu e logo di Aruba Bank celebrando 95 aña ariba nan trailer.

E trailer ganado a bay pa Kavel 13 (Famia Angela), na di dos lugar a keda Kavel 67 (Famia Willems) y na di tercer lugar a keda Kavel 70 (Famia Maduro).

Palabra di pabien ta bay un biaha mas na tur persona cu a participa cu nan trailer dorna den e Kavel Decoration Contest.



Vigencia di Ley di Flora y Fauna a keda posponi cu minimo 6 luna mas

ORANJESTAD – Durante siman un comunicacion a sali caminda ta informa cu lo cuminsa controla es- pecienan cu wordo pisca den nos awanan territorial. E control aki ta enfoca riba piscanan cu a keda prohibi den un decreto Ministerial emiti pa e Go- bierno anterior.

Segun un comunicado di prensa, bou di iniciativa di Minister di Transporte, Co- municacion y Sector Prima- rio, Chris Romero, den un consejo di Minister a dicidi cu ehecucion di dicho ley lo wordo posponi cu minimo 6 luna mas, cuminsando di in- mediato. Esaki cu e meta pa duna espacio pa sinta na mesa cu e diferente sectornan cu lo keda afecta directa y/of indi- rectamente cu ehecucion di e Ley di Flora y Fauna.

E siguiente paso lo ta pa sinta na mesa pa asina analisa ki lo ta e miho manera pa introdu- ci un ley di proteccion pa nos Flora y Fauna. Lo bay sinta cu expertonan riba e area di Flora y Fauna, pero tambe lo reuni cu diferente pisca- donan pa asina scucha nan preocupacion y posibel solu- cion, semper pensando riba e beneficio general.



Minister Dangui Oduber:

‘Proyecto Hoben Activo y Hoben Feliz ta un Proyecto dirigi riba prevencion’

ORANJESTAD – E si- man aki, Minister Dangui Oduber den presencia di tur stakeholder den salud na Aruba y tambe PAHO y WHO a lansa oficialmente e Plan Nacional di Pre- vencion den Salud.

E plan aki ta conforme pro- grama di gobernacion y ta un plan integral caminda tur stakeholder a haya participa- cion. Segun un comunicado di gobierno, e plan aki ta wordo carga pa e veld y esaki ta sumamente importante.

Ta di sumo importancia pa ehecucion di e plan aki pa tin e instrumentonan y proyec- tonan pa haci e plan aki uno exitoso.

Considerando e importan- cia di e plan aki for di hopi tempo minister Oduber a introduci un proyecto piloto yama Hoben Activo y Hoben feliz. E proyecto aki ta brinda oportunidad na muchanan y hobennan pa despues di orario di scol participa gratis na diferente disciplina di de- porte.

E encuesta di salud cu a con- duci na aña 2017 a indica cu solamente 50% di hoben y adultonan ta participa activa- mente na actividadnan fisico.



Un ser humano mester par- ticipa tur dia por lo menos 30 minuut na un actividad fisico. Den cuadro di esaki, e meta di e proyecto aki ta pa stimula participacion activo di nos muchanan y hobenan na deporte.

Segun e comunicado, Odu- ber kier stimula y motiva nos comunidad pa biba saludabel, come saludabel y haci eherci- cio.

Manera e proyecto aki lo bini hopi otro proyecto pa asina ehecuta e plan nacional di prevencion. “Un comu- nidad saludabel ta aumenta e productividad, ta reduci absentismo na trabou, tin un comunidad mas feliz y me- nos gasto pa fondo di AZV”, e comunicado ta finalisa.

Minister Xiomara Maduro:

Gabinete Wever-Croes ta atende cu gasto grandi di gobierno

ORANJESTAD – Min- ister Xiomara Maduro durante conferencia di prensa siman pasa dialu- na a indica cu Gabinete Wever-Croes ta atende cu e gastonan di mas grandi di gobernacion, cual ta gastonan di interes di debe di Pais Aruba y e gastonan di personal di Gobierno.

Presupuesto cu surplus pa por baha debe

E mandatario encarga cu finansa a splica den un co- municado di prensa cu pa locual ta trata gastonan di in- teres, Gobierno ta trahando pa presenta presupuestonan pa Pais Aruba cu un surplus pa asina evita di tin deficit pa cual mester traha debe nobo. Den un situacion di surplus, Gobierno lo fia solamente pa refinancia su debe y esaki no ta subi e suma di e debe



nacional. Gobierno hunto cu IMF ta trahando riba un maneho con pa atende cu e debe di Pais Aruba pa asina haci esaki pagabel pa Pueblo di Aruba.

Gastonan di personal tin un plafond

Pa locual ta trata gastonan di personal, Minister Mad-

uro na man di un grafico di e Uitvoeringsrapportage (URK) di e ultimo kwartaal di 2019, a muestra e desaroyo di e gastonan di personal di Gobierno. Den e grafico por mira cu e gastonan di personal di Gobierno tin un plafond, ilustra den un liña ‘gestippeld’ cora, di 479 miyon florin cual ta e suma

maximo di gasto di personal cu a keda acorda den e pro- tocol firma cu Hulanda na november 2018. For di e grafico ta bisto cu e gastonan di personal a keda bou di e liña ‘gestippeld’, indicando cu Gabinete Wever-Croes ta cumpliendo cu locual ta e palabracion cu Hulanda pa gasto maximo di personal.

Overtime ta pone presion riba gasto di personal

E mandatario a splica cu Go- bierno ta trahando pa baha e gastonan di personal y cu es- aki no ta un tarea facil. Den e grafico a ilustra tambe un liña creciente cu ta muestra e gastonan relata na ‘overtime,’ cu ta un parti di gasto di per- sonal cu ta pone basta pre- sion riba e gastonan total di personal. Minister Maduro a splica cu tin diferente mo- tibo pakico tin gasto di ‘over- time,’ pero cu e situacion di

Venezuela ta un di nan cu ta pone hopi presion riba e gastonan di personal relata na ‘overtime.’

Gasto di debe y personal tin tur atencion

E mandatario a enfatisa na final di e conferencia di prensa cu Gobierno ta trahando na un manera serio pa atende cu su gastonan di mas grandi cual ta gasto di interes y gasto di personal. Den e trabounan aki Gobierno ta haya asistencia tecnico tam- be di IMF cu recientemente a haci un investigacion di e gastonan di personal y a brinda algun recomendacion con pa baha e gastonan aki. Hunto cu IMF, Gobierno ta trahando tambe riba un plan di maneho di debe pa asina por haci e debe pagabel pa e Pueblo di Aruba creando espacio financiero pa por in- verti den e hende.